



劔南詩彙目錄

卷第八十

排悶 湖山尋梅

二首

作雪寒甚有賦

書嬾

讀唐人愁詩戲作

五首

讀書至夜

分感歎有賦

擁鑪

隱趣

冬夜舟中

作

湖山

九首

齒髮

古謂不如意事十

常八九雖出于好功名者之言閒中亦未

免此歎戲作七字一首

幽居歲暮

五首

過湖上僧菴 夜坐戲作短歌 書歎

夜莫自湖上歸 晚步湖隄 夜寒 感

舊 小雪 十二月十日莫小雪即止首二

遣興 貧居時一肉食爾戲作 臘月

十四日雨 節物 讀書 春近 讀陶

詩 夜雨寒甚 寄趙昌甫 稽山雪

招鄰父啜菜羹 讀論語 晨起 雪後

示福孫并示喜曾 微疾 簡僧求秦

望山拄杖 遊山步首二 雪晴欲出而路

寧未通戲作首二 春日 示兒輩 雪後

煎茶 夢中作 破屋歎 戊辰歲除前

五日作新歲八十有五矣 晨起復睡

梅首二 小疾治藥偶書首二 子適讀書常

至夜分作此示之 歲莫作 除夕 已

已元日 初春 新年書感 開歲連日

大雪 飲酒 詩酒 人日雪 春寒首二

雨雪久無來客亦不能出作長句排悶

書耄 初春遣興 讀書 雜興四首

後雜興四首 自詠二首 晚窗

劍南詩彙目錄卷八 十終

劍南詩彙卷第八十

排悶

造物冥冥中與我無一面不知獲罪由動輒被
訶譴又若哀其愚救以藥瞑眩我亦揣此心安
受不敢怨中間戍蜀漢十載困郵傳騎蓋蒙隴
千陣雲暗秦甸齋糧雜沙塿掬水以三嚙傳烽
東駱谷倏忽若流電歸吳獲小休餘喘僅一綫
意言在故鄉終勝客異縣夫何命大謬魔事每

交戰友讐同一波平地肆蹈踐么然性命微日
畏讒口煽舊書不暇視鼠跡上几硯負病不卽
死遂作諸老殿却觀所更歷殆是金百鍊人誰
不愛身悔作青紫植短筇入空翠小艇破江練
漁歌隔浦聞績火傍林見苦貧雖至骨未肯受
客言君看投林猿終異巢幙燕有山皆可耕焉
往失貧賤

湖山尋梅

鏡湖渺渺煙波白不與人間通地脉騎龍古仙
絕火食慣住空山齧冰雪東皇高之置度外正
似人中巢許輩萬木僵死我獨存本來長生非
返魂

又

小雪湖上尋梅時短帽亂插皆繁枝路人看者
竊相語此老胸中常有詩歸來青燈耿窗扉心
鏡忽入造化機墨池水淺筆鋒燥笑拂吳箋作

飛草

作雪寒甚有賦

雲暝風號得我驚
硯池轉盼已生冰
窗間頓失疎梅影
枕上空聞斷雁聲
公子皂貂方痛飲
農家黃犢正深耕
老人別有超然處
一首清詩信筆成

書嬾

我性本迂疎養生又無術
憂患自外至疾病由

中出屏居絕造請冀補東隅
失今觀世間事如僧視沐櫛
閒身嶺上雲睡味蜂房蜜
惟息茅簷下一席臥朝日

讀唐人愁詩戲作

少時喚愁作底物老境方知世
有愁忘盡世間愁故在
和身忘却始應休

又

清愁自是詩中料向使無愁
可得詩不屬僧窗

孤宿夜即還山驛旅遊時

又

天○恐○文○人○未○盡○才○常○教○零○落○在○蒿○萊○不○為○千○載○
離○騷○計○屈○子○何○由○澤○畔○來○

又

我輩情鍾不自由等閒白却九分頭此懷豈獨
騷人事三百篇中半是愁

又

飛雪安能住酒中閒愁見酒亦消融山家有力
參天地不放清尊一日空

讀書至夜分感歎有賦

老人世間百念衰惟好古書心未移斷碑殘刻
亦在櫝時時取玩忘朝飢推尋點畫到曲折想
見落筆縱橫時豈惟鸞鳳九霄上景鍾大鼎森
陸離雖然欲學則曷敢駑馬仰看驂騑馳正如
志士才不稱心慕伊傳終何施爾來亦復強點

染手不隨意徒嗟咨懸知明日天將雨中夜雲
蒸紫玉池

擁爐

急雨狂風莫不收燎爐薪煖復何憂如傾瀲灩
鵝黃酒似擁蒙茸狐白裘大澤羈鴻來萬里高
城傳漏過三籌明朝會看稽山雪莫爲衝寒怯
上樓

隱趣

歸老家山一幅巾俗間那可與知聞舉盃每屬
江頭月贈客時緘谷口雲行采菖蒲綠蘚磴臥
浮舴艋入鷗羣力營隱趣君無怪作得閒人要
十分

冬夜舟中作

夜榜孤舟掠岸行村墟頻過不知名繞枝倦鵲
寒無影脫網奔魚遠有聲兩紙忽驚殘曆盡一
盃聊慰旅懷情還家自笑身猶健又付生涯與

短檠

湖山

逐鹿心雖壯，乘驩勢已窮。終全蓋世氣，絕意走

江東。

項羽廟

又

湖上多甘井，磴泉尤得名。何時枕白石，靜聽輶

轡聲。

磴山泉

又

山崦桑麻路，柴門鳥雀聲。老巫祈社雨，小婦餉

春畊。

容山

又

坡陁度小嶺，軒豁見平湖。但醉梅花下，民家酒

可沽。

花徑小嶺

又

淺井供茶竈，分流浣布沙。此泉吾所愛，百用給

山家。

項里民家淺井

初有詩集

卷之八十

及古閣

又

故堞無遺跡蕭然數十家茶煙映山起酒帘傍

隄斜古城

又

汀月生眉黛溪梅試額粧幽閨元不出莫道嫁

彭郎柳姑廟

又

城邊小市聚煙水淡秋容南走蘭亭路迢迢雲

外鐘東跨湖橋

又

東西二十里相望兩平橋傍水多投釣穿雲有

負樵西跨湖橋

齒髮

算境侵尋歲月適齒搖髮脫又經秋此身要是

歸衰謝外物何須更固畱皁白從來憎了了登

臨且復送悠悠嗣宗痛飲圖南睡萬事輸君此

一籌

古謂不如意事十常八九雖出于好功名者之言閒中亦未免此歎戲作七字一首

歸志初諧老遽催良辰常與病俱來酒雖已熟恨無菊雪苦不成空見梅朋舊乖離心每折山川悠邈首頻回人生敗意無窮達莫厭相逢笑口開

幽居歲暮

冉冉忘年往紛紛厭事來庭除多草莽几硯亦塵埃園爲畦蔬到門因汲水開偶聞林鳥語太息又春回

又

却醫翻少疾辭祿不加貧嘉木移俱活村醪釀輒醇悠悠還過日盎盎又逢春狂舞君毋笑梅花插滿巾

又

老去轉無事室空惟一床臥時幽鳥語行處野
花香巷北觀神社村東看戲場誰知屏居意不
獨為畊桑

又

燃薪代秉燭煮茗當傳盃但恨朋儕少那知日
月催衣裳任穿穴芋栗且燔煨不為殘年迫吾
心久矣灰

又

古井年年浚荒疇日日犁刈茅苫鹿屋插棘護
雞栖閒賴書遮眼愁須酒到齊斜陽有常課緩
步上湖隄

過湖上僧庵

西庵每過未嘗開邂逅清言始此回陶令巾車
尋磴去已公茅屋賦詩來奇香炷罷雲生岫瑞
茗分成乳泛盃便恐從今往還熟入門猿鳥不
驚猜

夜坐戲作短歌

畏事如畏虎避人如避寇結廬三家村百事喜
 寒陋身閒自為貴飯足豈非富素心憎狐妖老
 愈惡銅臭視之若寒氣可使客膚腠即今知免
 矣終歲塞門竇始知松倒壑殊勝雲出岫聊持
 不動心夏養未盡壽夜讀南華篇欣然發吾覆

書歎

世事紛紜汝所知欣然領畧尚何疑窮居自是

長年術魔境常為定力資人但與遊無德怨酒
 皆可醉略醇醪蘭亭賓主今何在脩竹依然似
 曩時

又

尺椽不改結茅初薄粥猶難卒歲儲矮子解迎
 門外客狸奴知護案間書深林閒數新添筍小
 治時觀舊放魚自笑從來徒步慣歸休枉道是
 懸車

治當作沼

日暮自湖上歸

我生本亦與人同緣薄才疎剝得窮細水自鳴
沙渚外亂山時出雪雲中僧歸獨趁殘鐘去人
散遙憐晚渡空造物陳詩信奇絕忽忽摹寫不
能工

晚步湖隄

絀裘桐帽野人裝又上湖隄步夕陽貧甚不爲
明日計興來猶作少年狂殘樽倒酒無餘瀝幽

圃尋梅認暗香時有行人歎頑健黑絲點破頰
間霜

夜寒

江雲作雪暗郊原竟夜風聲萬馬奔槁面暫朱
知酒醞曲身成直賴爐溫幼輿正復宜巖石倚
相猶能讀典墳米貴僅供糜粥用自傷無力濟
元元

感舊

早參太史筆晚典石渠書孤立如羈雁微生等
蠹魚虛名真忝竊定理有藥除九十稽山下荒
畦日荷鋤

小雪

夜臥風號野晨興雪擁籬未言能壓瘴要是欲
催詩跨蹇雖堪喜呼舟似更奇元知剡溪路不
減灞橋時

十二月十日暮小雪即止

夜來急雪打船窗今夜推窗月滿江堪恨無情
一枝艣水禽驚起不成雙

又

夜來一雪苦怱怱千里濃雲忽掃空換得月明
良不惡未須過計慮蝗蟲

遣興

翳翳魚鹽市迢迢桑麥村山家薪炭足野叟袴
襦溫且免殘蕪盡以魚積水渾詩書老無効猶

擬付兒孫

貧居時一肉食爾戲作

身老便居僻山寒喜屋低時猶賴僧米那惜貸
鄰醯湯餅挑春齋盤殮設凍壘怪來食指動異
味得豚蹄

臘月十四日雨

歲晚深居嬾出遊小窗終日寄悠悠雨聲到枕
助詩律花氣襲衣生客愁殘齒不堪添臃晚瘦

肩轉復覺颼颼春前一雪猶關念安得瓊瑤積
瓦溝

節物

節物猶關老病身鄉儺佛粥一年新檐間百舌
還多事探俗園林十日春

讀書

力不扶微學心猶守舊聞壁間科斗字秦火豈
能焚

春近

曆授人時後天回斗柄初農疇興耒耜家塾盛
詩書縹緲雙鳧鳥咿啞一鹿車山翁喜春近隨
處狎樵漁

讀陶詩

陶謝文章造化侔篇成能使鬼神愁君看夏木
扶疎句還許詩家更道不

夜雨寒甚

萬籟號風如戰鼓雪意垂垂先作雨庭中栖鳥
驚屢起窗下殘燈翳還吐老翁聳膊高過頂童
子觸屏低不語時聞鄰舍起飯牛亦有歸樵說
逢虎去年雪薄蝗害稼今年望雪如望赦行當
三白兆豐年牲酒如山作秋社

寄趙昌甫

杳杳雙鵲鳴庭除東陽吏傳昌甫書紙窮乃復
得傑作字字如刮造化爐爾來此道苦寂莫千

里一士如隣居小兒得祿在傍邑我貧初辦一
鹿車過門剝琢亦奇事拜起幸未須人扶君看
幼安氣如虎一病遽已歸荒墟吾曹雖健固難
恃相覓寧待折簡呼餘寒更祝勤自愛時寄新
詩來起予

稽山雪

爲隱者作

高人采藥來禹穴骨瘦巉然鬢眉白結茅分得
野鹿場一夜北風三尺雪明朝過午勢愈惡虎

兕交迹人聲絕虛窗縱橫叢竹入幽磴荒寂孤
松折凍吟孰窺袁安戶僵臥禿盡蘇武節人生
飢寒固亦有養氣不動真豪傑希名後世吾所
耻姓字寧與身俱滅班馬復生無自書我作此
歌空激烈

招鄰父啜菜羹

老境遺人事窮居砭世育茅簷聽雲滴瓦鼎爨
松肪不願封侯印惟求煮菜方盃羹須及熱剗

欲喚君嘗

讀論語

壯歲貪求未見書
歸常充棟出連車
晚窺闕里親傳妙
數簡方知已有餘

晨起

殘夢悠颺不復成
鎗然已有百禽鳴
山童來報溪流長
幽事從今日日生

雪後

雪消已斷虛簷溜
日暎初催百草生
射的山前春水綠
笙歌又滿會稽城

示福孫并示喜曾

北商久不通梨棗
罕登盤山舍惟有橘瑣細如
彈丸此外則柿栗收拾猿鳥殘
雖無龐翁話兒孫亦團欒
今歲雨雪晚歲算始太寒
二稚乃可憐不訴衣襦單
地爐有微火誦書到更闌
我老多感慨賴汝差自寬

微疾

微疾經旬近藥囊往來巷陌未全妨時時小雨
知春近處處間身覺日長林外鼓歌聞賽廟懷
中茶餅議租桑兩京梅發今何似送老流年只
自傷

簡僧求秦望山拄杖

老病龍鍾不自持飽知藤杖可扶衰明朝欲入
天台去試就高人乞一枝

遊山步

蹇驢渺渺過雲邊旋了三生物外緣平日視家
真逆旅此行出戶若登仙飢從野店烹葵飯困
就僧床借枕眠所恨算年交舊盡佳時無與共
聯翩

又

南出平橋十里餘湖山處處可成圖水邊更覺
梅花瘦雲外誰憐雁影孤時喚行僧同煮茗亦

逢樵叟問迷途
破裘不怕春寒峭
小市疎燈有
酒爐

雪晴欲出而路濘未通戲作

欲覓溪頭路
春泥不可行
歸來小窗下
袖手看

新晴

又

雪消重作雨
冰釋又成泥
已敗筇枝興
高眠聽

午雞

春日

冷餅細生菜
老翁殊未衰
仍尋舊旛勝
一笑伴

諸兒

示兒輩

窮居懷抱久無懽
猶賴吾兒得少寬
謹視雞豚
僕老疾力營薪炭
備春寒舊書綴緝
編無絕小
甕調停味不酸
坐使乃翁無一事
高眠常到日

三竿

雪後煎茶

雪液清甘漲井泉自攜茶竈就烹煎一毫無復
關心事不枉人間住百年

便成仙矣

夢中作

久向人間隱姓名看花幾到武昌城一壺春色
常供醉萬里煙波嬾問程斜日挂帆堤外影便
風擊鼓驛前聲丈夫入手皆勛業廊廟江湖未
易評

破屋歎

我年四十時築舍受一廛歲月不貸人殆將五
十年初非梗柁材既久理豈全慘淡窘風雨亦
復補破穿竹椽與繩樞豈敢求牢堅今朝忽自
顧衰疾方沉緜不知此殘軀與屋誰先顛粥藥
幸粗給兒稚滿目前歛藏雖甚薄猶勝死道邊
一笑推枕起無酒亦陶然

戊辰歲除前五日作新歲八十有五矣

灰深火可宿。炷小燈耐久。長流故不腐。易成必

速朽。我昔遊青城。聞道巢居叟。躬行雖不力。年

少過九九。固知適天幸。自養亦差厚。傳家六兒

子。其四今皓首。寧聞澗底松。鬱鬱慕蒲柳。大兒

六十二仲子六十季亦近六十

晨起復睡

衰翁卯飲易上面。澤國春寒偏著人。下榻一盃
還就枕不嫌鼾。睡聒比隣

梅

三十三年舉眼非。錦江樂事祇成悲。溪頭忽見
梅花發。恰是青羊宮裏時

又

俗事常妨把一盃。等閒開過小園梅。自傷惟有
尋春夢。百舌無情又喚回

小疾治藥偶書

禦戎虛上策。治疾闕全功。安得如神禹。常行無

事中

又

攬苗農害稼過劑藥傷人此理君能造無爲萬物春

子適讀書常至夜分作此示之

我爲無才老把鉏汝窮亦復坐迂疎夜燈詠史蟲吟草朝几陳書懶祭魚未至苦飢依馬磨不妨相守臥蝸廬業成自有能知賞家世從來典

石渠

先太傅先楚公皆久在三館予亦入館二十年晚忝大蓬之命

歲暮作

魚貫長條兔臥盤往來聊續里閭歡舊符又擬新年換殘曆都無半紙看梅影橫斜春尚淺角聲悲壯夜將闌堅頑敢望今如許戲說期頤強自寬

除夕

熾炭爐中百藥香屠蘇煎酒代椒觴明朝賴是

無來客雪後泥深一尺強

己巳元日

曾孫新長奉椒觴兒女冠笄各綴行身作太翁
垂九十醉來堪喜亦堪傷

初春

裝罷桃符又剪燈新年光景捷飛騰老翁掃盡
兒童事却學禪床入定僧

新年書感

早歲西遊賦子虛算年負未返鄉閭殘軀未死
敢忘國病眼欲盲猶愛書朋舊何勞記車笠子
孫幸不廢畱畬新年冷落如常日白髮蕭蕭悶
自梳

開歲連日大雪

開歲大雪如飛鷗轉眄已見平簷溝村深出門
風裂面況復取醉湖邊樓從來春雪不耐久臥
聽點滴無時休去年久旱縣千里犁不入土蝗

蟲稠今年冬春足膏澤天意似欲滋農疇豈惟
養豬大作社更賣寶劍添畊牛

飲酒

我酒本小戶痛飲乃有時意氣不相值終日持
空卮醉或能齋莊不醉或狂逸乃知老子狂非
自翹藥出今日雪始晴行歌官道傍超然醒醉
間非莊亦非狂

詩酒

我生寓詩酒本以全吾真酒既工作病詩亦能
窮人每欲兩忘之永爲畊樵民周旋日已久棄
去終無因齒髮益衰謝肝膽猶輪囷吟哦撼四
壁鬼我頽烏巾江上處處好風月年年新正爾
豈不樂浩歌終此身

人日雪

己巳元日至人
日雨雪間作

病臥江村不厭深貂裘無奈曉寒侵非賢那畏
蛇年至多難却愁人日陰嫋嫋孤雲生翠壁霏

上當作山

霏急雪灑青林一盃飯罷無餘事坐看生臺下
凍禽

春寒

滔天來泅水震瓦戰昆陽此敵猶能禦春寒不
可當

又

高樓墜綠珠惡客醉珊瑚未抵春寒夜貧翁喪
故襦

雨雪久無來客亦不能出作長句排悶

造物無情豈我私從來不使墮危機青雲路近
常排去白浪堆高亦脫歸殘橐尚存空自許故
人略盡欲誰依新春雪暗山村路且復焚香獨
掩扉

書耄

我老耄已及終日惟冥行鄰里少間闊便若昧
平生家人每過前亦或忘其名昏昏等作夢兀

元如病醒不知張睢陽何以記一城愚知各自
適得失未易評

初春遣興

閒愁長與病相依晨起梳頭感髮稀春事鼎來
風更惡晨光已滿雪猶飛江梅有恨論年別旅
雁無情計日歸剝欲湖邊踏青去憑誰爲解亂
書圍

讀書

少從師友講唐虞白首襟懷不少舒舊謂皆當
付之酒今知莫若信吾書朱黃參錯雞鳴後籤
帙從橫月墮初撫几欣然時有得此翁作計未
全疎

雜興

灰中火如螢燎原從此始元氣一點存危疾亦
不死

又

炷香火要深。作墨手當緩。淺士務成速。所以多

後患

又

庖丁悟養生。輪扁議讀書。彼特一技爾。聖智有

不如

又

鏗爾捨瑟。作曝然放杖。笑浩浩太古音。與俗不

同調

後雜興

臘雪瑞我麥。春雨嘉我穀。老農無他求。一飽萬

事足

又

日上明我窗。月出縞我庭。朝莫得嘉時。一榼醉

復醒

又

會合憺日短。別離愁夜長。人老愛吾廬。客歸悲

故鄉

又

但醫刀七藥老巫半榼酒拜況不敢忘淡薄最耐久

自詠

道本治吾身緒餘方及人神清緣食少事簡爲家貧薄酒如重醞寒蔬抵八珍村村花柳動且復岸綸巾

又

謝事客誰過閒遊吏不訶家人爭稗粥鄰叟和畚歌靜夜詩成崇新春睡有魔年光本無盡未用歎蹉跎

晚窗

一塢梅花已盡空數瓴春雪未全融晚窗忽有題詩興落筆縱橫半醉中

劍南詩彙卷第八十

劍南詩彙目錄

卷第八十一

遠遊二十韻 對酒 夜雨 已巳正月

十八九間雪復大作不止 寄子虞 書

夢 示子適 對食有感 雪夜

初春 春日雜興 小霽 蔡竹輿至

柳姑廟而歸 春曉 肩輿歷湖桑堰東

西過陳灣至陳讓堰小市抵莫乃歸

書適刺陳讓堰市中遇吳氏老自言七十

六歲與語久之及歸送予過市猶戀戀不

忍去 午炊 古風首二 肩輿至石堰村

睡起遣懷 春晴 書感 野興 野

步首二 稽山 緋桃開小酌 夜中獨步

春寒復作 大雨排悶 室中屏去長

物戲作 對酒 曝舊画 予以淳熙戊

戌歲自蜀歸時年五十四今三十有二年

矣猶然強健得小詩自賀 花下小酌首二

夜酌 數日不作詩 幽居示客首二

春日登小臺西望 醉賦 卽事 落花

春日 戲詠園中春艸首二 二月二十

四日夜大風異常 雨夜與隣翁飲用前

輩韻 雜感首四 讀史首二 出遊首二 夜

興戲作 酒熟書喜 湖上 春晚 食

酪 六言首六 書意示子孫 算春龜堂

卽事

首四

莫辭酒意懷友
蘭亭道上

首四

興殘年

春老書睡起
隨自規
春夜聞雷

雨大作

出遊
出遊
出遊

出遊
出遊
出遊

出遊
出遊
出遊

出遊
出遊
出遊

出遊
出遊
出遊

劍南詩彙目錄

卷八十一終

出遊
出遊
出遊

劍南詩彙卷第八十一

遠遊二十韻

早歲志遠遊
萬里攜孤劍
所至必吊古
如疾得

鍼砭荒寒過
吳宮摧剝觀
禹窆及仕楊
潤間挂

席度天塹梁
宋不可遊
北望每懷歎
會有蜀漢

役奇嶮日窺
覘築壇訪遺
址燒棧想烈
焰轅門

俯清渭徹底
綠可染舊史
所登載一嘗
攷驗

胡羊美無敵
黍酒實醇醲
枕戈南山下
馳獵久

不厭比參劔南幕壯志就收斂
十鄰楊雄宅遂欲老鉛槧
但愛古柏青肯顧海棠豔
人生不易料白首東歸劔
稽山秋莪莪鏡水春湫湫
餘俸買扁舟月下采菱芡
湖山最奇處容我釣石占
婚嫁幸已畢百事不關念
但當勤醉歌一死不汝欠

對酒

社醪又借醉顏酡手挽鄰翁作浩歌
江月偏能

照蓬戶京塵終不汙漁簑苦吟且復歌
吾帽對奕真當爛汝柯回首紛紛俱夢耳
人間何處有天魔

夜雨

正看飛雪暗江天不覺新春已粲然
花氣襲人娛獨夜雨聲遶舍送豐年
樵風未改山川舊禊事空悲歲月遷
一榼可營身尚健故應先治下

湖船

已巳正月十八九間雪復大作不止

早衰常畏雪況復在江干三日不能出數年無
此寒捲簾驚滉漾下榻覺蹒跚稚子應憐我孤
吟興未闌

寄子虞

汝官南壽春我居東會稽疋馬護秋塞兩犢翻
春泥淮天沙雁過江村雪雲低書來動半年相
望常愴悽父子不共畊此悔真噬臍明年城西

社爛醉相扶攜

書夢

我夢舉有司雞唱起裹飯又夢趁早朝漏舍坐
待旦旣寤兩無有撫枕徒浩歎今雖去爲農飯
牛亦夜半何曾得放慵美睡到日旰一笑俱置
之浮生固多難

示子適

家貧不學儉物理有固然要是善用短足以終

其年我家稽山下稟賦良奇偏敢言中人產日
或無炊煙有兒更耐窮伴翁理遺編短檠幸能
繼竟夜可忘眠

○對食有感

二詩皆朝夕養福壽之言可銘座右

盃酌以助氣七筋以充腹沾醉與屬饜其害等
嗜慾歡醕有餘歡食淡百味足養生所甚惡旨
酒及大肉老翁雖無能更事嗟已熟勿嘆茆三
間養汝山林福

○又

我老雖無家其實如客耳食至舉匕箸飽則捨
而起厨人有勤惰我豈形慍喜園畦摘青蔬地
確舂赤米勞人固已多坐享顙常泚作詩本自
規亦以告閭里

雪夜

荒郊貿貿行斷壘俛俛畊常情所藉躡豈復懷
不平歸來臥破屋中惟一牀橫且燒生柴火靜

聽溼雪聲

今年春苦寒風雪塞戶牖况我窮閭士袴敝衣
見肘正須小忍之此事豈得久努力辦一壺西

村看花柳

瓦疎雪墮簷窗破風吹燭短裘不及骭手脚盡
皸疥猶勝南鄰叟一褐竟未贖薄酒城中來清

夜聊相屬

初春

柳拂朱橋湖水生園林處處聽新鶯亦知人世
當行樂無奈春陰不肯晴走馬章臺身縱老看
花杜曲眼猶明只應詩息年來減預怯同遊議
罰觥

春日雜興

方塘盎盎帶泥渾遠草青青沒燒痕只道雨晴

春晝永歸時不覺已黃昏

又

南村北村鼓鼙剗羊刺豕祭潭龍一生衣食財取足百世何妨常作農

又

小甌有米可續炊紙鳶竹馬看兒嬉但得官清吏不橫卽是村中歌舞時

又

夜夜燃薪煥絮裘禺中一飯直千金身爲野老已無責路有流民終動心

聞有流移人到城中

又

出仕常騎秃尾驢歸休自駕折轅車今朝偶遇村夫子偕得齊民一卷書

又

更事多來見物情世間常恨太忙生花開款款寧爲晚日出遲遲却是晴

又

一枝筇杖一山童買酒行歌小市中莫笑摧頽
今至此當年萬里看春風

又

四十餘年學養生誰知所得亦平平體孱不犯
寒時出路溼常尋乾處行

又

攪睡禽聲曉傍簷泥人花氣午穿簾懽情老去

年年薄困思春來日日添

此便是弄微矣懽情日薄而困思不添可奈何

又

陰晴不定春猶淺困健相兼病未蘇見說市樓
新酒美杖頭今日與錢無

又

乍晴乍雨忽經旬半醉半醒還過春春臥不知
菴外事閒迎聊適夢中身

又

初南詩集

卷之八

及古閣

行人陌上思悠悠十里斜陽古渡頭一片落花
無覓處只教芳草管閒愁

小霽乘竹輿至柳姑而歸

殘雲斷處漏斜陽草滿平隄柳著行颭颭画船
來北港翻翻青繖度南塘行人相賀新年健逃
戶雖窮舊業荒感物興懷空絕嘆才衰無語付

詩囊

春曉

初見天窗一點明旋看曉色到簷楹衾裯溫煖
畱殘夢鳥雀呼鳴報快晴雖喜心隨年愈老却
愁事與日俱生平川漫漫煙蕪綠筋力猶堪給
耦畊肩輿歷湖桑堰東西過陳灣至陳讓堰小
市抵暮乃歸

堤遠沙平草色勻新晴喜得自由身芋羹豆飯
家家樂桑眼榆條物物春野店茶香迎倦客市

街犬熟傍行人牆頭婦女更相語認到先生折
角巾

又

貪看西南一面山不知信步到陳灣未言散釋
經旬病且要消磨半日間蔬壠過寒常鬱鬱鳥
聲迎暎已關關斜陽不爲行人駐十里鐘來翠

靄間

書適

疇管花前醉放顛卽今不飲亦陶然太平固自
多遺老獨往何妨是斥仙扶杖每觀南畝饁解
衣時作北窗眠人間賢俊方雲集我遇龍蛇豈
厄年

陳讓堰市中遇吳氏老自言七十六歲與
語久之及歸送予過市猶戀戀不忍去

就店煮茶古堰邊偶逢父老便忘年嗟予空忝
十年長聞道慙無一日先壯子當門能碌碌諸

孫承業亦翩翩熟息遊宦終何得悔不從公曝
背眠

午炊

江路初晴日煙蕪古廢城青鍼秧稻出黑螿稚
蚕生山際牛羊路林間雞犬聲午炊聊小憩野
老解逢迎

古風

犧象薦清廟餘材棄溝中二者雖甚遠殘生其

實同人當貴其身豈復論窮通寧爲原上草一

寸搖春風

又

木生雖拱把鮮不困斧斤枯朽亦可全又以薊
故焚嘉禾終銍艾豈獨草見耘此理講已熟要
當尊所聞

肩輿至石堰村

偶上籃輿踏夕陽醉魂困息兩俚俚澗薪旋拾

僕茶竈詩橐初成寄藥囊村舍藝麻驅鳥雀牧
童隨草放牛羊歸來徙倚衡門久始覺中春已
日長

睡起遣懷

百事不能能荷鋤不鋤菜畦鋤芋區身存那用
十年相陂壞且爲凶歲儲百事不學學作詩不
作白紵作竹枝黃陵廟前風浪惡青衣渡口行
人悲老病閉門常憤憤芋不復鋤詩亦廢客來
剥啄喚不應一味人間占閒退今朝一日三倒
床歎息春晝如年長摩挲困睫喜湯熟小瓶自
拆山茶香

春晴

柳未吹絲筍未抽春郊風日正清柔疎疎簾影
僕高臥裊裊輿竿嬾出遊無客共謀良夜醉有
花空動故年愁雲生祗恐還成雨自向園頭聽
鶉鳩

書感

鴨子陂頭看水生蜂兒園裏按歌聲天公用意
誰能測未許吾曹醉太平

野興

莽莽寬野間悠悠曠達身氣從林下吐言向醉
中真社櫟元當壽江鷗豈易馴興來無遠近隨
處岸綸巾

野步

堤上淡黃柳水中花白鵝詩情隨處有此地得
偏多

又

水生已抹堤草長復侵路小蝶仍可憐欲下却
飛去

稽山

我識康廬面亦撫終南背平生愛山心於此可
無悔晚歸古會稽開門與山對奇峯縮髻鬢橫

嶺掃眉黛豈亦念孤愁一日變萬態風月娛朝
夕雲煙闕明晦一洗故鄉悲夏益吾廬愛東偏
得山多寢食鮮不在寧無度世人談笑見英槩
御風倘可畱爲我傾玉瀝

緋桃開小酌

我廬城南村家無十金產種花雖歷歲名品終
有限頗欲及暇時著譜書之簡今朝緋桃開歡
喜洗酒琰鄰翁亦喜事爲我一笑莞但恨苜蓿
盤蔬薄欠佳饌往來見已熟勸揖忘媿赧一事
粗可言似具識花眼

夜中獨步

春半寒初退更闌睡不成寒裳偶獨起曳履得
徐行月上鳥未宿水深竈亂鳴踟躕忽已久殘
漏下高城

春寒復作

春寒已解忽復作病息不堪當語誰青燈熒熒

金剛詩集 十三
歌欲滅殘雨滴滴休無期故人已死夢中見壯
志未忘心自知青絲玉井聲軋軋又是窗白鴉
鳴時

大雨排悶

地潤礎流水氣蒸人脫裘前知暴雨至孰解老
農憂

又

三日斷行路束薪無處求床頭周易在且復送

悠悠

室中屏去長物戲作

久從昭代乞殘骸荷鋪隨行偶未薶四壁盡空
君勿怪纔畱一物卽關懷。

○對酒

酒非攻愁具本賴以適意如接名勝遊所挹在
風味庸子墮世紛但欲斬一醉翹生絕俗人笑
汝非真契

曝舊画

故篋開緘一愴情斷縑殘幅尚知名翩翩戲鵲
 如相語洶洶驚濤覺有聲柳暗正當煙未斂花
 穠仍值雨初晴百年手澤存無幾蟲蠹塵侵祗
 涕橫 方彛長物即增感舊画何也

予以淳熙戊戌歲自蜀歸時年五十四今
 三十有二年矣猶復強健得小詩自賀

入玉門關到酒泉咎人想望若登天豈知萬里

西征客歸臥家山三十年

花下小酌

柳色初深燕子回猩紅千點海棠開紫魚蒹菜
 隨宜具也是花前一醉來

又

雲開太華插遙空我是山中採藥翁何日胡塵
 掃除盡敷溪道上醉春風

夜酌

我有一瓢酒與君今夕同鳴簷社公雨捲野沛
歌風閱世花開落觀身劫壞空北邙丘壠盡太
息幾英雄

數日不作詩

吾詩鬱不發孤寂奈愁何偶爾得一語快如疎
九河黃流舞浩蕩白雨助滂沱門外無來客花
前自浩歌

幽居示客

嗜睡疎茶盃逢春愛麴車聊將枕流耳靜聽屬
私蛙林下閒成癖人間嬾莫加孫登欲長嘯四
座且無譁

又

齒髮雖俱弊神明尚有餘幽扉鍊奇藥細字錄
仙書野水鳴苔徑長松蔭草廬客來多謝病深
媿問何如

春日登小臺西望

九十衰翁身尚健
流年過眼如奔電
憶昔初來對行在
衫鬢青青接英彥
中間亦嘗走梁益
萬里憑高望鄉縣
散關驛近柳迎馬
駱谷雪深風裂面
東歸却尋書生事
誤長諸儒集賢院
乞身七年罪未除
君恩尚許寬嚴譴
痴頑亦復病不死
春到故園家釀美
雨餘草長四野青
日落煙生半山紫

醉賦

我疾多自愈初非遇奇方
我生固多難欲慮忽已忘
頽然亂書中不知歲月忙
有時或得意炙冷不暇嘗
乃今又大悟萬事付一觴
書中友王績堂上祠杜康

卽事

此首可為家常課程

我本區中士偶來湖上居
時尋一枕夢閒展數行
書得醉常歡甚無炊亦晏
如今朝好天氣一笑命柴車

落花

山杏溪桃次第開
狂風正用此時來
未妨老子凭欄興
滿地殘紅點綠苔

春日

春來日日困春醒
徂歲如馳得我驚
山寺餽茶知穀雨
人家插柳記清明
登階勃窣晨雞老
侵路縱橫野草生
堪歎筋骸猶健在
強隨丁壯事深耕

戲詠園中春草

離離幽草自成叢
過眼兒童采擷空
不知馬蘭入晨俎
何似燕麥搖春風

又

童子爭尋鵝鴿飯
醫翁日曝蝦蟆衣
欲賡楚客詠殮菊
却媿周人歌采薇

二月二十四日夜大風異常

天青無雲星鎔落
大風忽自西南作
壽藤老木

不自金門外豈容存畧約翁媪驚呼兒女泣屋
瓦飛空吁可愕巢傾其閉烏鵲死空黑還疑鬼
神惡南鄰僅有瓜牛廬轉眄卷去無遺餘腐儒
自笑獨耐事一燈熒熒猶讀書

雨夜與隣翁飲用前輩韻

老人閱世真悠哉八十已過九十來茆檐參差
映煙樹蕭條雞犬三家聚一樽鄰翁迭賓主醉
語豈憂多謬誤我作吳歌君起舞夜雨莫辭泥

沒屨

雜感

壯遊回首海茫茫默數方驚歲月長舊事莫論
齊柏寢殘軀方似魯靈光

又

天際晴雲舒復卷庭中風絮去還來人生自在
常如此何事能妨笑口開

又

射的山前花柳新典衣買酒過殘春但甘身作
噲等伍莫信人間髯絕倫

又

禍福雖云不可猜人生要豈願爲才髑髏正使
非王樂犧象何疑是木災

讀史

蕭相守關成漢業穆之一死宋班師赫連拓跋
非難取天意從來未易知

又

顏良文醜知何益關羽張飛死可傷等是人間
號驍將太山寧比一毫芒

出遊

社近頻逢雨春深却喜晴畬煙傍山起神鼓隔
林鳴客駐觀農饁兒婦遺母羹豐年多樂事何
以報時平

又

綠樹魚鹽市青蕪雉兔場采桑村女集入學幼
童忙戶賽祈蚕願家藏問孝章村坊多美酒爛
醉當年光

夜興戲作

遙夜寂無譁江城鼓屢撾傍牆行蹉跎脫帽髮
鬢髻詩和玲瓏韻燈開頃刻花會心有佳處不
寐到啼鴉

酒熟書喜

小槽春夜壓春醪天與龜堂慰作勞喜似繫囚
聞縱釋快如苛癢得爬搔未陳尊杓心先醉傍
睨江山氣已豪久厭羶葷愁下筋眼明湖上得
雙螯

湖上

寒食初過穀雨前輕衫短帽影翩翩獨轆碾破
新堤路雙耜犁殘古廟孺萬事不禁劉毅擲諸
人誰著祖生鞭市爐處處誇新釀且就花陰一

醉眠

春晚

落絮飛花又滿城年光大半付春醒
蹇驢閒後詩情減陣馬拋來髀肉生
少日雕蟲真小技算年画餅更虛名
囊中幸有黃庭在安得高人與細評

食酪

南烹北饌妄相高常笑紛紛兒女曹
未必鱸魚

芼菰菜便勝羊酪薦櫻桃

六言

愛馬能成一癖結髦可忘百憂我亦時時自笑
開編萬事俱休

又

遇合生封萬戶阨窮不直一錢此是由來事爾
正須到處欣然

又

豪士以妾換馬畊農賣劔買牛我看浮雲似夢
却貪山水閒遊

又

風細飛花相逐林深啼鳥移時客至旋開新茗
僧歸未拾殘碁

○又

覓飽如籌大事擁書似墮重圍誤喜敲門客至
出看啄木驚飛

又

香煙觸簾不散燈焰無風自搖獨倚蒲團寂寂
忽聞山雨蕭蕭

書意示子孫

我閱人間久深知理惡盈孳孳訓來裔董董作
儒生仕勿卑曹掾書纔記姓名茆茨不啻足此
外盡浮榮

莫春龜堂卽事

風日初和晝漏長蕭然巾屨集茆堂雨餘千疊
暮山綠花落一溪春水香斷簡牘中塵委積故
人墓上草荒涼爾來幸有寬懷處病退牀頭減
藥囊

又

躑躅花開照眼明緩扶藤杖繞廊行流年又見
一春過苦雨畧無三日晴覓句未應妨熟睡漱
泉聊足解餘醒鹿麕稚子常追逐誰識山翁及

物情

又

日月無根去若馳故園又見落花時盃中綠酒
不肯飲鏡裏蒼顏應自知千丈新堤湖水滿五
更殘漏角聲悲暮年父子難乖隔淮浦書來苦
覺遲

又

東皇促駕又天涯一片難尋墮地花瘦策穿林

數新筍素屏圍枕聽鳴蛙蚕房已裏清明種茶
戶初收穀雨芽欲把一盃壺已罄謾搜詩句畲
年華

莫辭酒

勸君莫辭酒酒能解君愁勸君勤采藥藥可使
疾瘳此外莫廢書書亦豈君悞古來敗人事正
以不學故愁去疾亦平便腹如瓠壺努力貯萬
卷無此令君愚

懷友

酒家旗下分攜久山驛燈前感慨頻人事已隨
雙鬢改柳條又見一年新

蘭亭道上

湖上青山古會稽斷雲漠漠雨淒淒藍輿晚過
偏門市滿路春泥聞竹雞

又

蘭亭步口水如天茶市紛紛趁雨前烏笠遊僧

雲際去白衣醉叟道傍眠

又

陌上行歌日正長吳蚕捉績麥登場蘭亭酒美

逢人醉花塢茶新滿市香

蘭亭官酤名也茶塢茶名

又

箭箠弓殺小獵回壯心自笑未低摧前身家近
盤間路曾看吳王射雉來

殘年

殘年光景易駸駸屏迹江村不厭深新麥熟時
蚕上簇晚鶯啼處柳成陰短檠已負觀書眼孤
劍空懷許國心惟有雲山差可樂杖藜誰與伴
幽尋

春老

春色垂垂老山家處處忙園丁賣菰白蚕妾采
桑黃候雨占秧信催兒築麥塢醉眠官道上人
為護牛羊

睡起

睡起披衣弄素琴
房櫳槐柳綠成陰
春殘鴨鵝如多恨
雨惡醱醱欲不禁
羸病強行常蹉躑
戇愚多慮每噫喑
行年九十猶賒死
誰測高高厚厚心

自規

立志當如塞決河
犀編鐵硯未爲過
文難稱意古所恨
學不盡才今亦多
四海交朋常隔濶
一生光景易蹉跎
老年尙欲鞭吾後
太息無人爲詆訶

夜聞雷雨大作

暗空霧雨無時已
卷地風雷却是晴
九十老翁夏事久
寄言兒女不須驚

初南詩集卷第八十二

劍南詩彙目錄

卷第八十二

賞小園牡丹有感
山居

閒詠
五首讀

樂天詩
讀許渾詩
時鳥
齒髮歎

送春
四首初夏
二首初夏
即事
古壽人至

聞五郎頗有老態作長句自遣
郊行

小園
初夏雜興
五首思子虞
偶思蜀

道有賦
書意
贈倪道士
二首哭李孟

達 送黃文叔守福州 初夏雜詠首五

卽事 漁扉 山行見三十年前題名悵

然有賦 山房 縱筆首四 窗下戲詠首三

埭西小聚 老歎 衰甚書感 山行

過僧菴不入 山行 夜窗 送邢芻甫

入閩首二 從邢芻甫求桃竹拄杖 老雞

還東 行東山下至南巖 書幸 放

言 晚步門外 夏夜 甕池 種菜首四

白首 東窗遣興首三 北窗 小酌

夏日首十二 睡起 雨中作 感物首二

舟中有賦 晨起獨行綠陰間 獨至遯

菴避暑菴在大竹林中首二 短歌行 山

寺 明日復欲出遊而雨再用前韻 暇

日登東岡 暴雨 幽事首二

日登東岡 暴雨 幽事

寺 幽日 對岩 出 澗 而 雨 再 用 疏 簾 白 鄰

登 巖 暮 春 丑 大 河 林 中 澗 對 澗 竹 山

良 中 有 題 景 澗 澗 竹 澗 澗 澗 澗 澗

夏 日 雨 中 對 澗 澗 澗 澗 澗 澗 澗

劍南詩彙目錄 卷八十一終

劍南詩彙卷第八十二

賞小園牡丹有感 時當作時

雒陽牡丹面徑尺 廊時牡丹高丈餘 世間尤物

有如此恨我總角 東吳居俗人用意苦 侷促目

所未見 輒謂無周漢 故都亦豈遠 安得尺筮驅

羣胡 山陰距長安三千七百四十里 距雒陽二千八百九十里

山居

平生絕愛山居樂 老去初心亦漸償 直道本知

天可恃曠懷真與世相忘徑穿脩竹衣巾爽盤
設靈苗七箸香但恨相逢無魯叟浩歌小試接
輿狂

閒詠

蕭蕭華髮映烏巾五十年前故史臣正使老來
無老伴未妨閒處作閒人按行池水知增耗點
檢庭花見故新更有菴中策勛事投床鼻息聒
比鄰

又

事業無聞負聖時滄波自照角巾欹養成林下
無窮嬾占盡人間徹底癡小麥繞村苗鬱鬱柔
桑滿陌椹纍纍醫翁簪叟真堪友搜索殘尊與
共持

又

謝事歸來一把茅村深樵牧日論交未言客路
塵衣化最恨書窗鐵硯凹戀戀故袍誰復念便

便癡腹敢辭嘲卜居雖僻吾猶悟失却岷山理
鵲巢

又

白頭羈客更堪論身寄城南桑竹村一榻琴書
春寂寂四山霧雨晝昏昏常情笑門庭冷好
事虛推輩行尊燒筍炊粳真過足兒曹不用致
魚殮

又

危途九折浩無津晚幸收身作散人俸祿旣空
憂患少酒殺雖薄笑歌頻多添布褐方知老淨
埽茆衡不覺貧南陌東阡元在望柴車嬾駕動
經旬
讀樂天詩
放姬鬻駱初何有常笑香山恨不攄輸與此翁
客易死一身之外更無餘

讀許渾詩

渾居丹陽丁卯
橋其詩丁卯集

裴相功名冠四朝許渾身世落漁樵若論風月
江山主丁卯橋應勝午橋

時鳥

日出鳴布穀月落鳴子規一氣之所感彼亦不
自知架犁最晚至適當農事時丁壯戴星出力
作孰敢遲鳴者既有警聞者得以思乃知失時
輩強聒終何爲百舌亦能言今默乃其宜我作
時鳥篇用繼函人詩

齒髮歎

樂天悲脫髮退之歎墮齒吾年垂九十此事已
晚矣髮脫妨危冠齒墮廢大嚼晨興對清鏡何
以慰宋莫造物本無心豈欲使汝衰曷不望長
空兩曜無停時

送春

新葉張翠幄落花作紅茵山蔬旨且柔家釀清
而淳以我垂老境送此將歸春我固惜流年春

亦記陳人江山處處佳風月日日新蹇驢度松
岡短檝橫煙津蘭亭人已遠遺韻猶清真却下
木柵市天風吹角巾

初夏

新綠陰中燕子飛數家煙火自相依童誇健犢
浮溪過婦閔蚕飢負葉歸地煥小畦花永長泥
融幽徑藥苗肥却居樂事何勝數一醉旗亭又
典衣

春又

江鄉初夏暑猶輕霽日園林有晚鶯聊置尊罍
師北海盡除屏障學東平綠槐露溼單衣爽紅
藥風翻病眼明每感流年成絕歎白頭自笑未
忘情

初夏卽事

夏景遽如許先從草木知朱櫻連蒂剪紅藥帶
花移病起單衣怯身閒書漏遲空坐無長事簾

影看參差

古壽人至聞五郎頗有老態作長句自遣
齒落髮斑兒亦老志衰力惰我寧悲埋盆便可
爲池看折竹何妨作馬騎點誦內經莊叟語長
歌半格白公詩此身未死須安頓除却山村百
不宜

郊行

春郊無處不堪行滿路人家笑語聲賣劔買牛

知盜息乞漿得酒喜時平西村日落川雲暝東
嶺虹收海氣清農事方興戒遊墮爲君來往主
齊盟

小園

小園草木手栽培表丈清池數尺臺拄杖倦時
閒倚壁芳醪熟後喜傳盃春蕪滿地鹿忘去夏
木成陰鶯自來堪笑山童慙飽食時時走報一
花開

初夏雜興

隱趣與誰論。深居湖上村。避蘭寧改路。惜筍不開園。庭草饒生意。溪沙記漲痕。愁來時淺酌。隨事有雞豚。

又園

避寂諸緣息。安貧百慮寬。嬾如常抱疾。退似本無官。皎潔鶴翎扇。嗟哉龜屋冠。何勞問唐舉。徹屋是清寒。

又

咄咄無窮事。騰騰暫寓身。月生知改朔。花盡覺經春。市鬩朝沽酒。巫歌夜樂神。興來隨衆出。笑不妨新真。

又

移花得微雨。晒藥遇新晴。悶裏家書到。貧時糴價平。身方抱沉疾。天乃相餘生。莫恨村醪薄。燈前與細傾。

倦甚惟思睡閒來却要行疏泉入幽圃映樹規
流鶯藥品從僧問琴材就客評轉頭還一日正
爾送餘生

思子虞

里堠迢迢阻問津年光冉冉苦催人未能免俗
予嗟老豈不懷歸汝念親家釀湖絕誰共醉江
雲淮月又經春新詩題罷無從寄獨倚危闌一

愴神

偶思蜀道有賦

天回驛畔江如染鳳集城邊柳似搓萬事已隨
流水去一尊將奈夕陽何是非無定言何益窮
達徐觀得孰多幸有漁蓑歸故里不妨高枕且
酣歌

書意

養得山林氣麤全此懷無處不超然日長琴奕

茆檐下歲晚江湖箬帽前天上本令星主酒俗
間妄謂世無仙今年茶比常年早笑試西峯一

掬泉

今年清明前數日
山中已有新茶

贈倪道士

羽衣暫脫著戎衣坐定方驚語入微歸隱玉霄
應不出他年容我扣巖扉

又

我坐虛名剝得窮百年身墮畏途中看君一棹

煙波樂悔不常爲采藥翁

贈李孟達

舊交多已謝明時孟達奇才最所息晚歲立朝
雖小試平生苦學竟誰知尊前一笑終無日地
下相從却有期慟絕寢門霜日莫短篇聊爲寫
餘悲

送黃文叔守福州

黃公天下士遇主紹熙年議論前修似聲名九

牧傳巨舟夷險濟拱壁始終全勇退先諸老榮
歸總十連旌旄照關路冠蓋盛離筵內閣恩光
重宸毫墨色鮮任方分斧鉞歸卽珥貂蟬病叟
難爲別臨期一悵然

雜詩初夏雜詠

揮袖謝人間一窗如海寬鹿麕爲老伴松屑當
朝餐自悟達生理儘容非意干却嫌孤寂甚支
竈學燒丹

又

病退身仍健年侵趣更高芳醪溢蠻榼短褐束
鄙縮本不營三窟何由挫一毫煙帆幾時掛長
嘯破秋濤

又

屐路緣虛壁棋軒枕小灘玄言不媿藉熟睡却
輸搏咄咄書常嬾便便腹本寬山園時節好杏
子已微丹

去日驚鑽燧窮途困負薪故人天末遠薄俗眼
邊新踽踽飄零客悠悠賸長身寸心知己矣端
欲爲誰陳

又

昔日江湖上飄然無定居頻傾京口酒亦食武
昌魚北首心空壯東歸憤不攄豈知牙齒落送
老一茆廬

卽事

萬里山河拱至尊羽林鐵騎若雲屯羣公先正
不復作故國世臣誰尙存河洛可令終左袵荔
蕘何自達脩門王師一日臨榆塞小醜黃頭豈
足吞

漁扉

蜻蜓浦上一漁扉回首人間萬事非賣藥山城
攜鶴去看碑野寺策驢歸偶因束帶悲腰減常

爲梳頭感髮稀午睡定知無客攪曲肱閒看雨

霏霏

郊居遇雨作則無客至

山行見三十年前題名悵然有賦

百年村落半丘墟垂老經過一柅車金石闕訛

秦漢舊

謂秦始皇刻石及禹窆上漢隸

山川勝絕晉唐餘醉題

墨淡塵昏壁詩社人亡淚濺裾名宦半生成底

事早時恨不學犁鉏

山房

柴門不掩俗人稀成就山房一段奇木葉最宜

新雨後鳥聲更勝暮春時家貲屢罄緣耽酒宿

習猶存爲愛詩別有一條差自慰木苗芎苗正

離離

縱筆

兀兀一無爲冥冥百不知倦多惟嗜睡食晚遂

忘飢開卷渾如夢逢人不省誰何須覓知識木

石卽吾師

又

一點湛空明居然萬事輕
菜元勝肉食車豈異
徒行幻境終何在金丹本自成
信能如是解土
苴亦長生

又

薙草除枯葉勞人亦動心
無愁疎把酒習嬾罷
彈琴濯垢臨溪水追涼就木陰
常尋省力處外
物孰能侵

又

夢事飽曾經靈臺了不驚
寃親同案妄魔佛兩
皆平應物如風過投床即鼾聲
晨興拂几硯猶
恨太勞生

又

窗下戲詠
飛來山鳥語惶惚却是幽人半睡中
新竹成陰
無彈射不妨同享北窗風

三尺清池鏡面平
剪刀葉底戲魚行
吾曹安得如渠樂
傍渚跳波過此生

張來又

何處輕黃雙小蝶
翩翩與我共徘徊
綠陰芳草佳風月
不是花時也解來

青平垓西小聚

瓦盎盛蚕蛹
沙甌煮麥人
三家小聚落兩姓
世婚姻父老衣冠古
閭閻風俗淳
不應陶靖節獨

號葛天民

老歎

步遲腰偃僂
面瘦骨崢嶸
貧病消前業
畊樵樂太平
有歌悲易水
無酒醉湖城
何許容身得
門前釣艇橫

衰甚書感

髮殘不勝冠
齒墮欲廢嚼
譬如亭臯木
秋至葉自落
豈惟形骸變
意氣已非昨
床隅倚拄杖
壁

上挂雙屨經旬不出戶薄飯羹藜藿居然遠霜
露因得養腰脚年衰固應死延促未可度人之
生實難壽終固爲樂開卷息千載閱世等六博
志士有蹈海儒生亦投閣何如釀濁醪遇興時
獨酌半酣望青天萬事付一喙

山行過僧菴不入

垣屋參差竹塢深舊題名處嬾重尋茶壚煙起
知高興碁子聲疎識苦心淡日暉暉孤市散殘
雲漠漠半川陰長吟未斷清愁起已見橫林宿
暮禽

山行

閒人日日得閒行況值今朝小雨晴水淺遊魚
渾可數山深藥草半無名臨溪旋喚舂舩渡過
寺初聞浴鼓聲小醉未應風味減滿盤青杏伴

朱櫻

夜窗

初月詩

性中汝本具光明蔽障除時道自成手刈茆苦
數椽屋身鉏菜煮一盃羹天人迭勝誰能測禍
福無常不待評惟有吾心終可恃夜窗袖手聽
松聲

送邢芻甫入閩

兩窮相值每相憐聞子南遊一愴然莫道此行
非久別衰翁何敢望明年

黯然

又

君行正及荔枝丹想見臨觴爲破顏此外但宜
烹茗雪傷生不用擘蠔山

從邢芻甫求桃竹拄杖

拄杖當年盛得名一枝尙覺百金輕老人不復
須春草只要攜渠處處行

老雞

老雞擁腫不良行將旦猶能効一鳴確下糠粝
幸不乏何妨相倚過餘生

還東

還東寒暑幾推移漸近黃梅細雨時窗下興闌
初掩卷花前技癢又成詩囊錢不貯還成癖官
事都捐未免癡賴是病軀差勝舊一盃藜粥且
扶衰

行東山下至南巖

穿林了不厭崎嶇邂逅幽懷得少攄
筇媿出山成小草今知流水羨遊魚
吻吻馴鹿隨輕策泱泱洪流泉入野
渠坐覺塵襟真一洗正如頭垢得爬梳

書幸

謀身從筭本迂疎豈料餘年却晏如
盤箸無時闕鮭菜道途隨事有舟車
故衣已敝月三浣短髮雖殘日一梳
里巷浮沉亦何憾見賢猶及渡

江初

放言

酒熟固可喜酒盡亦陶然有客則劇談無客枕
書眠飢啜羹不糝閒玩琴無弦摘嗅砌下花掬
弄澗底泉啄木抱蠹枿搏黍鳴桑顛欣然爲一
笑世故何足捐無人罵鄭虔亦無嘲孝先回顧
三角童吾與汝忘年

晚步門外

槐葉已成陰揪花亦離離日暮門無人迨我消
搖時左持漆園書右挾栗里詩風從湖面來成
此一段奇石路雖甚狹雅稱拖筇枝少頃山月
明照我角巾欹

夏夜

風便更漏明室虛蟲蚋靜筋骸日益衰厭事樂
幽屏清燈北窗下突兀寫孤影進學無新功賦
詩聊自警

甕池

甕池東階下灑灑一石水買魚畜其間鱖鱖三

十尾力微息及物爲惠止於此無風水不搖得
志魚自喜涵泳藻與蒲永不畏刀几飯罷時來
觀相娛從此始

種菜

菜把青青間藥苗豉香鹽白自烹調須臾徹案
呼茶椀盤箸何曾覺寂寥

又

老農飯粟出躬畊捫腹何殊享大烹吳地四時

常足菜一番過後一番生

又

白苣黃瓜上市稀盤中頓覺有光輝時清閭里
俱安業殊勝周人詠采薇

出門又

引水何妨藝芥菘圃功自古補三農恨君不見
岷山芋藏蓄猶堪過歲凶

○白首

白首歸來老故園，索居情味更堪論。
 關河悠邈夢魂到，親舊凋零書札存。
 身病自憐詩思退，家貧客笑酒醅渾。
 昏昏只欲投床睡，兒勸孫扶強出門。

東窗遣興

巷陌過從少，園林景物新。
 羣魚時戲藻，馴雉每依人。
 映戶槐陰密，堆盤麥餌珍。
 殘春又陳迹，撫事一傷神。

又

巾屨長閒客，簾櫳薄暑天。
 巢空重乳燕，葉密未鳴蟬。
 壺箭看多算，圖書理斷編。
 悠然已日夕，却上采菱船。

又

夏淺清陰滿，村深白日長。
 言多思寂默，酒醒悔猖狂。
 老馬漫知路，鈍錐寧出囊。
 此翁真耄矣，嬾放亦何傷。

北窗

晏嬰長不滿五尺淳于飲能至一石老無功名
未足歎滑稽玩世亦非咎當年交友傾一時誰
料蓬門今寂寂陳山李石千載士早死當爲天
下惜斯文顯晦端有命道悠運促非人力我今
稽山一老農百歲不死知何益後生可畏要有
人誰能隱若一敵國狂言勿發心自驚婦臥北
窗還默默

小酌

偶向東園把一盃不辭團坐掃蒼苔野花經雨
自開落山鳥穿林時去來皂白正非天欲辨青
黃要與木爲災今年秋後猶能健賸乞梅栽與
李栽

夏日

暑雨初晴晝漏遲江鄉樂事有誰知村村壠麥
登場後戶戶吳蚕坼簇時

齒髮凋零奈爾何年光暗裏易消磨街槐正喜
清陰密巷柳還驚蠹葉多

又

竹根斷作眠雲枕木癭剝成貯酒尊怪怪奇奇
非著意自無俗物到山村

又

動身尚嬾那堪事學古無成罷讀書枕上側眠
聽語燕池邊小立看遊魚

又

悶欲遠遊身苦嬾病思閒話客誰過北窗一枕
差堪樂無奈茶盃作祟何

又

黃葛蚊厨睡欲成高槐陰轉暑風清倚床奴子
垂頭坐搖手孫兒小步行

又

初南詩集

卷之八二

及古閣

金南詩集 卷之八二 及古閣
三十一
新取溪藤便作香煉成崖密旋煎湯蕭然巾履
茅堂上不畏人間夏日長

又

謝客捐書日日閒行穿密竹臥看山巖前恨欠
煎茶地安得茆茨一小間

又

蘋生洲渚微風起梅熟園林細雨來咫尺柴門
常嬾出不教拄杖損蒼苔

又

側臥橫眠百不知軒窗寂寂雨絲絲豈無布襪
青鞋興過却梅天出未遲

又

幽花姪姹開還歛小蝶翩翩去復畱貪睡畸翁
俱不領被人錯喚作閒愁

又

山下柴荆晝不開苔生古井暗楸槐新詩哦罷

閒無事移取藤床睡去來

睡起

不恨無人到野堂
惟將美睡當年光
風經荷葉翻翻綠
雨溼松枝細細香
薄俗空成士龍笑
長歌未盡接輿狂
掬泉弄石翛然晚
又得今年一

夏涼

雨中作

湖曲雨淒淒
茆檐觸額低
衡門元少客
窮巷況

多泥解渴黃梁粥
嘗新白苣齏
吾生真自足不

恨老鉏犁

感物

物情豈願歲時適
一氣潛移不自由
日出鷓鴣

還喚雨夏初蟋蟀已吟秋

今年四月
聞蟋蟀鳴

齋題又

小園清曉岸綸巾
物態年光日日新
綠葉自生黃自落
不應秋至始愁人

黃目舟中有賦

一枝柔艣聽咿啞
炊稻來依野老家
山寺日中齋鼓動
江樓風急酒旗斜
綠稍嫋嫋搖新竹
翠蔓離離熟早瓜
閒客去畱隨所遇
不知何處送

棲鴉

晨起獨行綠陰間

楸槐陰裏漏朝暉
芳草離離露漸稀
不恨過時嘗煮酒
且欣平旦著生衣
病逢鍼藥如差減
貧比簞瓢尚庶幾
惟是未能忘習氣
亂書隨日又

成圍

獨至遯菴避暑菴在大竹林中

赤日黃塵厭垢紛
竹林深處寄幽欣
如聽嵩雒風前笛
似看瀟湘雨後雲
園鹿知時新解角
池魚得意自成羣
悠然一笑誰能識
坐勝天魔百

萬軍

世俗元非不汝忘。汝婦安取醉爲鄉藥。苗野菽
山家味栢子松房道室香。一卷隱書爲日課。數
聲啼鳥謝年光。客來莫笑茆茨陋。占盡炎天一
味涼。

○短歌行

出語峭甚却可消客氣

上樽不解散牢愁。靈藥安能扶死病。千鈞強弩
無自射虛空。六出奇計終難逃。定命人生斯世
無別巧。要在遇物心不競。憂忘寢食怒裂背。孰
若憑高寄孤詠。炎天一葛冬一裘。藜羹飯糗勿
豫謀。耳邊閒事有何極。正可付之風馬牛。

山寺

路盡初逢寺。行行獨叩扉。民貧稀送供。僧老少
完衣。日正樓鐘動。溪深藥草肥。吾衰亦久矣。捨
此欲疇依。

明日復欲出遊而雨再用前韻

小艇爭浮浦。幽人獨倚扉。新泥添燕壘。細雨溼

鷲衣甚紫桑新暗秧青水正肥欣然語鄰父投
老得相依

暇日登東岡

雙屨青芒滑輕衫白苧涼雲生半巖潤麝過一
林香童子持碁局厨人饋粟漿歸來更清絕淡
月滿林塘

暴雨

黑雲如龍爪白雨如博碁老屋處處漏此夕將
何之豈惟移床避殆欲懸釜炊擾擾舍中人具
食不以時兒女乃可憐赤脚啼午飢語兒姑少
忍開霽會有期

幽事

衰翁喜幽事闔戶不升堂酒僅三蕉葉琴纔一
履霜東坡自能飲三蕉葉范文正公酷好
琴止彈履霜一曲時謂之范履霜好遊
力不給愛客病相妨獨有詩情在年來亦漸忘

又幽事

野館多幽事畸人無俗情靜分書句讀豆戲習

酒章程藥褚藏難見棊枰算未成悠然寄孤歎

吾豈固逃名

劍南詩彙卷第八十二

劍南詩彙目錄

卷第八十三

病起雜言

雨後首二

示客

蒸溽作雨

排悶

夏中雜興首六

卽事首八

夏日幽

居 枕上

題望海亭亭在臥龍絕頂

露坐小隱

小憩臥龍山亭

晚涼 夏

日六言首四

招客看山

舟中作

清暑

五月下旬大熱晦日夜得雨明旦涼甚

黃氏冲和堂 暴雨 書意三首 浴罷

水鄉泛舟二首 閒詠 江樓夜望 連

日作雨苦熱 門外追涼 夏夜泛溪至

南庄復回湖桑歸 雨後殊有秋意 寓

規三首 新涼二首 追涼至安隱寺前 湖

上夜賦二首 書適 羸老 卽事 晚興

郊行 喜雨 劉道士贈小葫蘆四首

自傲 雨中 書歎二首 題画薄荷扇二首

秋興四首 晝睡 得子虞濠上書 庭

艸 文章 秋日遣懷八首 自傲二首 生

世 秋雨 思蜀 病思 術家言予今

歲畏四孟月而秋尤甚自初秋小疾屢作

戲題長句 秋夕書事二首 小疾三首 病

中作 縱筆二首

劍南詩彙目錄

卷八十三終

賦 文章

詩 雜言

書 雜言

詩 雜言

詩 雜言

詩 雜言

詩 雜言

詩 雜言

詩 雜言

詩 雜言

詩 雜言

劍南詩彙卷第八十三

○病起雜言

此孟子敵國外患之論可以保身可以慰老

國不可以無菑○身不可以無疾○疾無菑之國○

亂或更速○無疾之身○死或無日○昆夷玃狁無害

於周之王○闢土富國無救于隋之亡○壯夫一臥

多不起○速死未必皆羸○疋古來惡疾棄空谷○往

往更得度世方○我年九十理不長○况復三日病

在床○天公念之亦已至○儆戒不使須臾忘起居

飲食每自省。常若嚴師畏友在。我傍。躋民仁壽。則非職。且爲老僊。鍼膏育。

雨後

小築濤江外。微涼暑雨餘。傾囊致歡伯。信脚到
華胥。芳草翩翩蝶。清池潑潑魚。此翁雖耄矣。作
計未全疎。

又

一夜茅簷雨。晨興乃爾涼。禽魚皆遂性。草木自
吹香。微潤生琴薦。纖塵避筆床。悠然北窗興。真
欲傲羲皇。

久泛煙波不問津。騰騰且復養吾真。每持盃酒
呼江月。殊勝征衣化路塵。半枕何人遊蟻蛭。立
談爲汝脫狐身。挂帆莫恨瀟湘遠。是處相逢一

笑新

蒸溽作雨排悶

柱礎生微潤，簾櫳轉薄陰。蟻遷都邑改，鳩逐怨
恩深。菡萏新離水，芭蕉半展心。掩屏惟熟睡，誰
與續愁吟。
夏中雜興
梳髮高春後，投床甲夜初。語難愁對客，手倦怕
催書。美睡那思覺，甘餐不願餘。夏應慙造化，無
事到幽居。

又
小響風吹葉，微痕雨點池。興來閒弄笛，客散自
收棊。忽忽尋殘夢，時時足小詩。出門俄已暮，忘
却野人期。

又
出赴盟鷗社，歸尋夢蝶床。愚爲度世術，閒是養
生方。休歇書中癖，消磨酒後狂。遠遊亦已矣，不
復解輕裝。

處世如灰冷持心似砥平盤飧無宿戒香火有
常程樵父僕藜杖陶人售瓦礫經旬常苦雨嘯
傲送餘生

又

心慕羲農世躬行黃老言采椽聊築舍橫木卽
爲門短髮冠龜屋空床枕竹根從來薄世味染
指肯嘗龜

又

遣信邀隣父隨宜具小殮草燔豚肉美瓮壓酒
醅渾易致商山皓難招楚澤魂嗟予亦衰矣心
事與誰論

卽事

翁自析薪兒負薪一生不似此年貧折除却得
常強健天定方知果勝人

又

楸垂落索槐吐花溪女採蓮童抱瓜一年光景

又將半愈老愈知生有涯

又

煙雨淒迷晚不收
疎簾曲几寄悠悠
一雙蛺蝶來何許
點盡青青百草頭

又

生來骨相本酸寒
天遣沙頭把釣竿
但稱山人擲耳帽
敢希楚客切雲冠

又

魚鱗羣出天將雨
鼃龜爭鳴草滿庭
莫道歸休便無事
時時襪襪伴園丁

又

幽鳥飛鳴翠木陰
小魚遊泳綠波心
滿前好句無人領
堪笑寒窗費苦吟

又

小閣憑欄望遠空
天河橫貫斗牛中
他年鼓角榆關路
馬上遙看與此同

幽鳥呼人出睡鄉層層露葉漏朝陽臨池只欲
消殘醉無奈鵝兒似酒黃

夏日幽居

赤日黃塵一點無負山臨水是幽居爽如瑞露
零仙掌清似寒氷貯玉壺孤艇過時驚宿鷺溼
煙深處亂風蒲翛然欲棄人間去天際聯翩誰
與俱

枕上

小疾知閒樂微涼與睡宜曹騰如欲覺展轉復
多時四壁人聲寂疎簾日影移詩囊與藥裹一
步不相離

里閭題望海亭亭在臥龍絕頂

瑞龍千丈何蜿蜒蒼鱗翠鬣翔江邊路逢鏡湖
乃下駐玩珠不去知何年七州元帥擁畫戟全
家終日樓居仙霜笳一曲入銀漢碧瓦萬疊浮

嶺煙其間望海最傑觀疎達坐占蓬萊先風雲
變化几席上蛟鼉出沒闌干前手捫心房倚北
斗眼中萬象俱森然尚書喚客共領略遠坊十
里聞管弦從容賦詩出妙思超絕欲拍微之肩
坐中有客垂九十追逐無路空自憐夜闌客散
公歸院笙歌隱隱在半天向來老客今何處菱
唱三更起釣船

露坐小隱

寂寂柴門閉嫩苔門前有路走天台近秋河漢
西南落欲雨風雲東北來旋摘甘瓜青帶蔓新
筍玉醴冷傳盃亦知野外無僕給且復相逢笑
口開

小憩臥龍山亭

山高風浩浩堂豁海冥冥綠李分猿嘯蒼苔墮
鶴翎松寒詩思健茶爽醉魂醒安得丹青手傳
模入素屏

晚涼

笛簟平鋪八尺床，脫巾高臥對疎篁。
近村得雨知何處，此地無風亦自涼。

夏日六言

退士自應客少，幽居不厭椽低。
未說盤堆玉膾，且看白搗金齏。

又

醉面貪承夕露，釣竿喜近秋風。
借問歸舟何處，

深入芙蓉浦中。

又

溪漲清風拂面，月落繁星滿天。
數隻船橫浦口，一聲笛起山前。

又

我是百年遺老，埽空一夢浮名。
未到終南二華，且入天台四明。

招客看山

今日清明宜看山約君來上釣魚船微雲點破
尚堪恨何況城中塵漲天

舟中作

平生剩有煙波興釣瀨時時小艇橫欲算山光
先慘淡未秋河橫已分明捕魚時見連江網迎
荻遙聞過埭聲想得今宵清絕夢又攜猿鶴上

青城

清暑

穿竹清我魂散髮吹我頂虛窗聽鳴蟬小檻看
汲井掃地長物空漱泉齒頰冷厨人具漿粉童
子鬻山茗微雲未必雨且喜收樹影殘書置不
視樂此清晝永旣夕卽榜舟門外綠千頃世事
何足論平生慕箕穎

五月下旬大熱晦日夜得雨明日涼甚

一雨蕭然洗睡昏清晨屣履自開門豈惟爽氣
生山袂坐覺涼颼入髮根浦口魚多來野鶴林

稍果熟下山猿吾廬清絕君知否釣雪寒江不足言

黃氏冲和堂

冲和堂中和氣襲堆笏滿床羣從集宜州太史
一紙書百年筆墨猶山立使君所學何超然要
是胸中不負天王畿奉使纔廿日忠厚風流天
下傳國家多事民力困正要設施先百郡但令
一念與天通河南南陽亦可問

暴雨

蒼龍挂東南天矯擎萬仞雖然雜雲氣爪尾略
可認明日暴雨來繼以雷大震平地成江河吞
卷纔一瞬吾廬久傾壞不壓真董董所欣顛顛
中一飽天不吝餘功到場圃草木皆綠潤蕭然
岸角巾三歎撫庭楯

書意

策蹇若驂駟歛漓如上尊人皆可堯舜身自有

乾坤逢客亦英語無人還閉門千年道術裂誰
復見全渾

養生慕黃老爲治廢唐虞耆壽緣憂懼危亡坐
燕娛大川宜利涉蔓草戒難圖退士惟身慮銘
膺豈敢無

又

委順天知我經營鬼笑人定知窮至死敢恨病
經旬愛酒陶元亮還鄉賀季真扁舟吾事畢遺
世亦遺身

浴罷

浴罷淡無事出門隨意行相如知渴減叔寶覺
神清新月參差影殘蟬斷續聲躊躇遂忘去風
露欲三更

水鄉泛舟

終朝流汗浹衣襟恨望何時枕簟秋作雨未成

徒益熱舉盃不醉更添愁悲歌易水輕燕俠對
泣新亭笑楚囚別有生涯君會否煙波無際弄
孤舟

又

赤日黃塵不自聊泛溪且用沃枯焦隔林犬吠
村噓近掠面風來酒力消遠火微茫知夜績長
歌斷續認歸樵扁舟不盡凌風興却著青鞵踏
野橋

閒詠

平生到處足間關天遣殘年樂故山社日連村
饜酒肉豐年無盜伏茆菅秋來梁燕將雛去雨
過林鳩喚婦還我亦葛衣新浴罷爲君滿意說
清閒

江樓夜望

江樓百尺倚高寒上盡危梯宇宙寬秋近漸看
河落角天回更覺斗闌干茫茫浦口煙帆遠坎

坎城頭漏鼓殘要得故人同躡屐一尊相屬話
悲歡

連日作雨苦熱

天地一氣爾陰陽司闔開鬱蒸以爲雨回薄以
爲雷久鬱無所泄造化安在哉方其欲雨時雖
天不能回此豈降自天其實有自來所以屈宋
輩千載有餘哀

門外追涼

羽扇綸巾一味涼曠懷非醉亦非狂橫林點點
暮鴉集平壟離離新稻香山月出時閒弄影水
風清處旋移床學仙到此無餘說更覺金丹墮
糝糠

夏夜泛溪至南庄復回湖桑歸無似酒
不求奇骨可封侯但喜枯腸不貯愁數點殘燈
沽酒市一聲柔艣採菱舟元知澤國偏宜夜已
就天公探借秋歸過三更風露重紗巾剌覺髮

颼颼公對前林散豈三更風露重途中際景裝

雨後殊有秋意

天地新秋入苦吟詩書萬古付孤斟愛君憂國

孤臣淚臨水登山節士心只歎鼻端無妙斲豈

知絃外有遺音剡中勝踐今猶咎安得高人支

道林

莫辨寓規

百疾皆有源雖愚猶自知惟其忽不念所以悔

莫追微隙為無傷一壞誰能支宴安比鴆毒先

民不吾欺

又

分量各有窮升龠不受斗滿盈靡懷懼覆敗乃

自取衣笥無複禪食案有三韭貧狹雖可嗤比

汝差耐久

又

人生孰無疾治疾惟欲瘳疾瘳藥不止乃有過

劑憂節食戒屬饜養氣常致柔金丹無此功往
哉勤自修

新涼

儘道新涼好無如晝漏長奇文窺楚屈妙理玩
蒙莊靜臥貧猶樂高歌醒亦狂翩翩雙蝶子也
似惜年光

又

月入楸梧徑風生蘆荻林脫巾涼入髮臨水爽
披襟寒暑推移久江湖感慨深功名雖已矣猶
得寓孤吟

追涼至安隱寺前

枕石何妨更漱流一涼之外豈他求寺樓無影
月卓午橋樹有聲風變秋殘曆半窗心悄愴岸
巾徐步髮颼颼定知從此清宵夢常在沙邊伴

白鷗

湖上夜賦

冉冉秋將至沉沉夜向晨
河隨天漸轉露洗月如新
瘦竹過眉杖輕沙折角巾
漁歌四面起煙水浩無津

又

清絕追涼地平生得未曾
似嘗仙掌露如嚼玉壺冰
狂學菱舟曲閒尋竹院僧
更思生羽翼散髮醉巴陵

書適

萬事罷經營悠然心太平
甘餐隨日足美睡等閒成
處處佳風月人人好弟兄
神仙不須學券內有長生

羸老

羸老幸未死敢嗟生理微
牛閒牧童臥犬吠市船歸
月落見收網燈青聞踏機
時時語鄰里井臼幸相依

○卽事

臯夔無近用。芝朮少奇功。上壽當徐致。沉疴忌
力攻。醫傳三世久。事歷百年中。畏與庸人說。終
身托病聾。

晚興

竝簷幽鳥語。璫一榻蕭然。四面風客散。茶甘
畱舌本。睡餘書味在胸中。浮雲變態吾何與。腐
骨成塵論自公。剗欲與君談此事。少須明月出
溪東。

郊行

淒風吹雨過江城。緩策羸驂竝水行。古路初驚
秋葉墮。荒郊已放候蟲鳴。壯心耿耿人誰識。往
事悠悠恨未平。斜日半竿羗笛怨。西陵寂莫又
潮生。

喜雨

雨氣侵人暮不休。雨聲逼枕冷颼颼。方欣草木
有生意。已報溝池無涸流。避溼入簷憐病鶴。爭

劍南詩集 十七
巢逐婦歎鳴鳩老農自喜知時節夜半呼兒起
飯牛

劉道士贈小葫蘆

葫蘆雖小藏天地伴我雲山萬里身收起鬼神
窺不見用時能與物爲春

又

貴人玉帶佩金魚憂畏何曾頃刻無色似栗黃
形似繭恨渠不識小葫蘆

又

短袍楚製未爲非況得藥瓢相發揮行過山村
傾社看絕勝小劍壓戎衣

又

箇中一物著不得建立森然却有餘盡底語君
君豈信試來跳入看何如

自傲

學當盡力去浮華從事文辭但可嗟造道淺深

看應物修身勤惰驗齊家

雨中

孤村風雨連三日秋暑如焚一洗空睡覺房櫳
燈漸暗却尋殘夢雨聲中

書歎

遺蝗出境樂秋成多稼登場喜雨晴暗笑衰翁
不解事猶懷萬里玉關情

又

雨夜孤舟宿鏡湖秋聲蕭瑟滿菰蒲書生有淚
無揮處尋見祥符九域圖

祥符中曾詔王曾等修九域圖

題画薄荷扇

薄荷花開蝶翅翻風枝露葉弄秋妍自憐不及
狸奴黠爛醉籬邊不用錢

又

一枝香草出幽叢雙蝶飛飛戲晚風莫恨村居
相識晚知名元向楚辭中

秋興

誰敢輕他萬戶侯一生賦分在滄洲屋穿況值

雨騎月

俗謂二十四五間雨為騎月雨主霖霪不止

路惡更堪風打

頭此世極知同逆旅吾身亦自是懸疣乞錢買

取青芒屨爛醉三條二華秋

又

歛盡殘雲見夕陽門前穉稭漸登塲經年都得

幾回醉一雨頓經如許涼耐事尚能心似鐵放

歌仍忘髮成霜頤生底用從人問此是山翁肘

後方

又

五十年來住鏡湖白頭仍是一臞儒朝眠每恨

妨書課秋穫先令入酒逋江路伶俜形吊影草

菴寂默我忘吾雨窗忽有高談興簪叟醫翁亦

可呼

又

世事何曾挂齒牙只將放浪作生涯有時掬米
引馴鹿到處入林求野花鄰父築塲收早稼溪
姑負籠賣秋茶等閒一日還過却又倚柴扉數
算鴉

晝睡

體中小不佳惟睡可以休睡美自成夢去爲萬
里遊萬里遊尚可乃復有得喪漂搖一葉舟掀
舞千里浪午雞忽驚起向夢在安哉童子解原

夢篝火具茶盃

得子虞濠上書

日暮坐柴門懷地方煩紆鈴聲從西來忽得濠
州書開緘讀未半喜極涕泗俱父子老憺別況
經患難餘羈旅易生疾霜露行載塗息歸雖甚
苦且復忍須臾

時濠州軍亂子虞適來攝
通判身率將士力戰平之

庭草

階前西風搖百草鬱鬱逢秋殊未槁雪霜要當

次第來恰似人生怕衰老百草榮悴則有時人
於養生當自知金丹九轉儻未辦簡歛冲默真
吾師攝調小失豈遽死二豎肩端先溢喜但令
神氣常守形莫畏夢中呼起起

文章

文章本天成妙手偶得之粹然無疵瑕豈復須
人爲君看古彝器巧拙兩無施漢最近先秦固
已殊淳漓胡部何爲者豪竹雜哀絲后夔不復

作千載誰與期

秋日遣懷

離離上藥苗鬱鬱靈芝榮我管逢異人瑣細皆
能名擊石以取火薪桂持煎烹五雲夜覆鼎談
笑得長生

又

胸中何所有世界如河沙區區吞雲夢何至爲
客誇初見賣苑冰青門已無瓜天河正不遠秋

風藥客槎

又

西來浮濤江東眺俯鏡湖其中縣千里鬱鬱桑
麻區禹葬有遺窆粵亡無故墟秋風吹短褐望
古空踳踳

又

野風聲如潮溪水色可染浮雲時翳日亦作雨
數點行歌雖放浪未至越繩檢蕭然茅三間送

老此山崦

又

秋夜坐東窗殘雨時一滴四壁無人聲心境兩
虛寂吾方遊物初超然謝形役一毫儻未盡何
往非勅敵

又

自我歸故山不知歲月徂念雖迫霜露憂國猶
區區老不能上疏泰階陳六符安得子元子同

歌于薦于

又

今年秋氣早風露應時令晨起換熟衣殘暑已
退聽松聲滿庭戶蕭然失衰病人衆何足言天
固不可勝

又

晨几手作墨午窗身磴茶豈惟要小勞亦以禦
百邪兒童不解此傾心逐紛華君看如山禍萌

在一念差

自做

惡石從來豈汝仇安居無患却堪憂不須更守
唐申夜畱取三彭傲惰偷

又

世事如雲日日新瓦盆黍酒却關身細思只有
窮居好寄語玄翁莫逐貧

生世

乾坤成毀由來事生世真同黍一炊嗟我已過
三萬日餘年有幾自應知

秋雨

山深草木久已荒晝昏風雨殊未止看書不覺
向壁臥煎茶欲罷推枕起清心正付竹鑪香漱
齒每挹巖泉水與世不諧元有命閉門自適嗟
可喜少年癡絕晚乃悟束縛珠襦均一死悠然
袖手倚蒲團洗盡玉關心萬里

息蜀

西遊陳迹浩無窮回首真同一夢中柳拂驛牆
思鳳集鼓喧市裏憶蚕叢故人丘壠秋蕪碧舊
隱園林夕照紅自閑未能忘感慨浩歌彈劍送
飛鴻

病思

短髮蕭蕭不滿簪更堪衰疾日侵尋數匙淡飯
支殘息一篆清香印本心小徑古苔遺鶴毳空

堂壞甃有蟲吟悠然更起扁舟興秋水門前五尺深

術家言予今歲畏四孟月而秋尤甚自初秋小疾屢作戲題長句

一生強半臥窮閭糲飯藜羹似蜜甜耄齒覺衰嗟已晚孟秋屬疾信如占危途本自難安步惡石何妨更痛砭堅忍莫爲秋雨歎牽蘿猶足補茅苫

秋夕書事

垂老雖堪歎爲謀亦未疎悶餘巷酒閒讀後身書大嚼寧須肉徐行可當車秋來歡喜事菽粟有新儲

又

點點秋燈晚翻翻宿鳥還雨添羈枕睡書伴小窗閒僧閣荒寒外漁村縹緲間画工今代少誰爲寫家山

小疾

小疾有根底忽之當日深養苗先去草省事在
清心蟻夢能看破狐妖可坐擒一盃藜粥罷聽
雨擁秋衾

又

老不禁當病經旬臥一床亦知非疥癬幸未至
膏肓水落灘初出秋深草漸黃非關畏人事晚
歲合深藏

又

避人便小疾省事喜閒身竝海魚鹽聚入秋風
雨頻元知器若窳空有膽輪困轅飯聊同飽知
君不笑貧

病中作

此事明明在默身一身元有一乾坤不憂豎子
居育上已見真人出面門力守誰能發底火深
潛自足美靈根用功若到無功處千載藥雲不

○此○即○禪○理○

足言

縱筆

天下本無事吾生行且休關心惟酒盞入眼獨
漁舟雁過三湘曉雲開二華秋慙勤驛樓柱小
草記曾遊

又

相馬失之瘦知人良獨難雖居環堵室未廢切
雲冠算雨潼關暗秋風渭水寒深蕪埋壯士千

古為悲歡

初月詩

劍南詩集卷第八十三

劍南詩集目錄

卷第八十四

自立秋前病過白露猶未平遣懷二首 聖

門 書參壁 病後小律戲題 新晴

夢中作二首 疾小愈縱筆作短章 病少

愈偶作二首 書生 古驛 夜讀劉伯倫

傳戲作 湖上晚望 村居即事三首 夜

興 夢華山 寓歎四首 嘉定己巳立秋

得膈上疾近寒露乃小愈首十二 病中臥

聞春聲首二 病小減復作首三 病息首六

病中自遣首三 八月二十三夜夢中作

病少間作 秋晚幽居 病中息出遊

九月初作 四日夜雞未鳴起作 臥病

雜題首五 讀華陀傳 家山 九月十一

日疾小間夜賦首二 一病七十日 西郊

蔬食 乙巳秋莫獨酌首四 秋晚 病

中遣懷首六 六言首二 野興 遠遊 反

遠遊 病著 梅市 梅市書事 病減

幽居即事首二 羸疾 九月二十五日

雞鳴前起待旦 秋夕排悶十韻 宴坐

首二 小室 丹次浦口 開爐 散懷首二

劍南詩彙目錄

卷八
四終

劍南詩彙卷第八十四

自立秋前病過白露猶未平遣懷

門冷荒車轍囊空別醉鄉。嬾行眠亦好倦話默
何傷野叟占幽夢山僧送祕方病懷雖忽忽隨
事畲年光

又

飢能堅志節。病可養精神。不動成羸臥微勞學
鳥伸功名知幻境憂患笑前身藥裹吾何厭秋

燈作夢新
聖門妙處不容息
千古茫茫欲語誰
晞髮庭中新沐後
舞雩沂上詠時歸
研求豈足窺微指
博約何由遇碩師
小疾掃空身尚健
蓬窗更作數年期

書空壁

幅巾短褐野人裝
洗盡黃塵早算忙
地僻漁扉常隱翳
身閒靈府自清涼
雨中鬱鬱垣衣綠
澗底纖纖石髮長
老憊只思眠榻壁
一尊到手又成狂

病後小健戲題

行年九十未龍鐘
慙媿天公久見容
醉解病人詩解瘦
不如世世作春農

新晴

雨葉玲瓏曉日明
經旬風雨得初晴
欹眠歇盡

人間念時聽幽禽一兩聲

夢中作

征途遇秋雨數士集郵亭酒拆官壺綠山圍草
市青劇談猶激烈瘦影各伶俜四海皆兄弟悠
然共醉醒小對題眼

又

六客若蜀士相逢意氣豪偶談唐夾寨遂及楚

城臯

二者皆
所論事

頓洗風塵惡都忘筆轡勞蟬嘶笑

餘子辛苦學離騷

疾小愈縱筆作短章

治疾如治盜要使復其常藉曰用戈矛全之寧
欲傷彼盜皆吾民初非若胡羗奈何一朝忿直
欲事歐攘歐攘雖快心少忍理則長華陀古神
醫煎浣到肺腸取効雖卓犖去死真毫芒君審
欲除盜惟當法龔黃撫摩倘有道四境皆耕桑
我亦以治疾不減玉函方

病少愈偶作

蕭條白髮臥蓬廬
虛讀人間萬卷書
遇事始知聞道晚
抱疴方悔養生疎
高門赫赫何關我
薄俗紛紛莫問渠
羸疾少蘇思一出
夕陽門巷駕柴車

又

病入秋來不可當
便從此逝亦何傷
百錢布被歛首足
三寸桐棺埋澗崗
但恨著書終草草
不嫌徂歲去堂堂
今朝生意纔絲髮
便擬街頭醉放狂

書生

書生事業苦難成
點檢常憂害至成
夢寐未能除小忿
文辭猶欲事虛名
聖言甚遠當深考
古義雖聞要力行
漢世陋儒吾所斥
若爲青紫勝

歸耕

古驛

劍南詩集

卷之八四

及古集

古驛橋邊艇子橫每因羈旅愜幽情窗間月落
 無花影枕上潮來有艣聲舊友凋零歸夢想新
 詩邂逅得天成今朝有喜君知否秋雨晴時小
 疾平

夜讀劉伯倫傳戲作

書作為

生本無心死可知徐徐掩骨未回遲一奴僅可
 供薪水那得閒人荷插隨

湖上晚望

閒人無處破除閒待得漁舟一一還峰頂夕陽
 煙際水分明六幅巨然山

村居即事

西成東作常無事婦饁夫畊萬里同但願清平
 好官府眼中歷歷見函風

又

炊甑生塵榻長苔柴門日晏未曾開載醪問字
 今牢落猶有鄰翁裹飯來

今半又
長笛園輦曲調新東家西舍送迎神不因豐歲
人情樂淡殺溪頭老病人

夜興

夜闌扶策繞中庭。雲罅三三兩兩星。安得南風
卷雲盡。爛然河白映天青。

夢華山

路入河潼喜著鞭華山忽到帽幫邊洗頭盆上

雲生壁腰帶輕前月滿川丹竈故基誰復識白
驢遺跡但相傳夢魂妄想君無笑尚擬今生得
地仙

寓歎

窮居諳世故了了不如昏萬事慵挂眼終年息
杜門雲間忘出岫葉落喜歸根熟計惟當醉寧
論社瓮渾

又

小隱終非隱休官尚是官
 早知農圃樂不見道
 途難故國雞豚社貧家菽水歡
 至今清夜夢猶覺畏濤瀾
 念出山如棄客喜無他
 信卦當潮寧窺母又出效
 不取有萬事謝卦即參平
 事外癡頑老人中賸長身
 開顏時賴酒閉口不言貧
 淡話常終夕閒遊動歷旬
 漁翁偶相遇疑是武陵人
 卧輿應笑病夫欺昏無笑
 尚謝今主寒生又與帶
 歸山以謝山民當姑基
 舊一長歎

嘉定己巳立秋得膈上疾近寒露乃小愈
 獨立溪橋看落暉殘蕪漠漠蝶飛飛
 從來澤國秋常晚歎息衰翁已衲衣

又

今年病老遂難禁
 二豎奔逃豈易尋
 風雨三更

僮僕睡自持殘燭檢千金

景真

又

窮銷壯歲功名志病過新秋賞詠時自古世間
如意少天公寧肯為君私

又

小詩苦思憑誰賞綠酒盈尊每獨傾老境情悰
例如此不須惆悵感餘生

情真

又

一枕鳥聲殘曉夢半窗竹影弄新晴屏深室煥
秋垂老粥美蔬香疾漸平

又

半飢半飽隨時過無客無書盡日閒童子貪眠
呼不省狸奴戀煖去仍還

又

此調亦太既

粥香可愛貧方覺睡味無窮老始知要識放翁
真受用大冠長劔只成癡

小詩閒淡如秋水。病後殊勝未病時。自翦矮牋
膽斷。毫不嫌墨淺。字傾欹。

八月吳中風露秋。子鵝可啻酒新篘。老人病愈
鄉間喜處處。邀吟共獻酬。

清泉白米山家有。鹽酪猶從小市求。寸步須扶

本常事。細書妨讀却閒愁。

又

束書不觀萬事休。誰令識字惹閒愁。胸中作祟
知何物。不是當年老督郵。

又

客疾無根莫浪憂。今朝埽盡不容畱。飯囊酒瓮
非吾事。只貯千巖萬壑秋。

病中臥聞春聲

丘嫂羹存先憂釜山僧齋竟始鳴鐘孰知造物
獨憐我一日未嘗無夕春

又
忘想說梅猶止渴真聞春米固忘飢未論炊熟
香生甌已覺杪來雪滿匙

病小減復作

一身真賸長兩月抱沉緜吟作楚人語聳成山
字肩灾從季主卜藥欠宋清錢彌老彌堪笑藜

羹且信緣

又

衛養元無術衰殘只自悲扶行十步地強坐一
炊時枕簾漆園語呻吟栗里詩灾年未易過那

敢望期頤

卜者言今秋來春
皆灾過此壽未艾

又

晨粥半茶碗秋來一布裘酒惟詩裏見山向夢
中遊卜繇兒能測藥方僧爲求重陽無半月尚

泥菊花不長論出藥六節爲末重製無半民

具病息強味來一亦來兩卦有惠良山向

水碓舂粳滑勝珠地爐燔芋軟如酥老來自愛

盤飧美安得高人共破除

又

殺物求君舌本肥是非豈復待深息卽今不足

何時足小甑香粳日兩炊

又

江上秋風蘆荻聲魚蝦日日厭煎烹病來作意

停鮮食畱得青錢買放生

又

行攜馴鹿寄消搖共飽山蔬與藥苗本自入山

緣服玉不應忘味待聞韶

又

西山雪外巢松客南岳巖前洗鉢僧平日寄懷

常在此秋風剝欲辦行滕

窗扉寂寂秋將晚燈火昏昏夜向闌不是算年
能耐病道人心地本來寬

病中自遣

孤燈如露螢熠熠北窗下我亦氣僅屬厭厭迫
衰謝平生更事熟生死等晝夜行年八十五八
十九已化雖云病惱侵處此亦閒暇人扶時出
門清溪帶茆舍

又

一鴉振羽鳴窗色忽已縞衆鳥次第來各矜語
言好病夫正擁被宛若兒在祿跣婢職衣襦丫
童謹除埽紅日已入簾吾豈尚恨早悠然一盃
粥頑鈍聊自保

又

少時揣無才一意守貧賤窮閭依馬磨小石寫
驢券中年更可笑顛顛客異縣何曾得一飽塵

劍南詩集 十二
土空滿面卽今況已病百衰相俱見雖然亦自
重未忍悲秋扇

八月二十三夜夢中作

道士上天鶴一隻老僧住菴雲半間去來盡向
無心得癡黠相除到處閒江山千里互明晦魚
鳥十年相往還高巖縹緲人不到醉中爲子題
其顏

病少間作

身如水有漚病如雲無根方其未散間妄謂有
我存漚壞水渺然雲滅寧遺痕回首乃可笑妄
想生怨恩念我曩昔時一笏朝帝闈旣老復何
爲釣魚石帆村今年病臥久慘痛不可言一念
忽超詣二豎皆忙奔吾居本廣大談笑決其藩
還持一尊酒往酹湘水魂

秋晚幽居

吳中秋晚氣猶和疾豎其如此老何鳥語漸稀

人睡美木陰初薄夕陽多埽園日日成幽趣撫
枕時時亦浩歌車轍久空君勿歎文殊自解問
維摩

病中思出遊

病境雖猶在秋天已自清閒思尋酒伴嬾畏主
詩盟煙艇桐江去籃輿剡縣行會心隨處住便
足了餘生

九月初作

莫笑衡茆陋幽情得細論客疎慙歎醢僧熟認
敲門杳杳煙中剎昏昏雨外村登高負今歲老
病易消魂

四日夜雞未鳴起作

放翁病過秋忽起作醉墨正如久蟄龍青天飛
霹靂雖云墮怪奇要勝常憫默一朝此翁死千
金求不得

臥病雜題

咬咀初成藥，咿啞半掩扉。病知身健樂，閒覺宦遊非。小澗看猿飲，枯筇擁鶴歸。今朝更堪喜，書札得淮淝。

札得淮淝

是日得五郎廬州書

又

鷗鷺馴亭沼，琴書悅性靈。身叨鄉祭酒，孫爲國添丁。煙浦收菰菜，秋山斲茯苓。虛名吾所薄，未應少薇星。

又

陋室施床迮，窮閭問疾疎。加餐惟是粥，弄筆不成書。盎盎新篳酒，青青小摘蔬。客來邀褫帶，聊示小勤渠。

○又

終日常辭客，經秋半在床。愛窮留作伴，諳病與相忘。竈婢工烹粥，園丁習寫方。

爲之也。又有山僕本不識字，因久合藥，遂能寫藥方數大篇。

久病家人作粥，遂佳。蓋朝夕常

雨得窗光

初雨詩集

卷之八四

及古閣

○又

人間跛男子物外病維摩

病中遂牽聊病右足

但可妨趨

拜何因廢歎歌菜羹醯醬薄村巷棘茨多舉手

謝隣父非君誰肯過

讀華陀傳

六籍雖殘聖道醇中更秦火不成塵華陀老黠
徒驚俗吾豈無書可活人

家山

鹿食苹時猶命侶鶴冲霄後尚息歸家山不忍
何山隱稽首虛空懺昨非

九月十一日疾小間夜賦

清夜房櫳燈火微此心病起更依依空驚床下
莎蟲語不見梁間巢燕歸蒼硯有池殘墨在白
頭不櫛亂書圍可憐未遽忘風月猶夢華觴插
羽飛

又

病後衣巾盡覺寬挈提表領喟然歎孤燈不焰
熒熒碧小雨無聲慘慘寒只道清心灾自退豈
知非意病相干平生最愛秋搖落惆悵今年怯
倚欄

一病七十日

一病七十日其疑無復生隄全河漸復師滄寇
將平縹緲香雲散颼颼藥鼎鳴庭前有殘菊自
笑尙關情

西郊

七十辭北闕五畝寄西郊泳水魚依藻摩雲鶴
結巢丐僧時問疾卜叟或論交社櫟天全汝寧
當歎繫匏

蔬食

肉食從來意自疑齋盂況與病相宜老羝笱作
春蔬崇斷橐今無晚釣詩陌上煙苕誰采采牆
陰風葉正離離人生飢飽初何校一斛檳榔笑

汝癡

藥五藥贈人主馬齒齒何過一掃醉酒笑

春波乙巳秋算獨酌

第一首
六韵

孤雲繫不定野鶴籠難馴賣藥句曲秋沽酒天

台春中原幾流血四海一閒人邀月對我影折

花插我巾花月成三友江海為四隣何敢忘吾

君巢由稱外臣

又

安期與羨門秦漢迹已陳不如東平公一劍隱

紅塵醉歌題市樓墨色粲如新叱咤興風雲約

束山川神從我者誰歟夜渡黃鶴津

又

山陰老道士寄情魚鳥中幽戶綠蘿月孤舟白

蘋風豈無小瓮熟尊杓誰與同邂逅得知心一

見歎猶龍

又

湖中有隱士或謂千歲人大兒嚴子陵小兒賀

季真姓名莫能知
況可得疎親
有竿不釣魚
秋晚香粳新

秋晚

春將愁病至
秋與病相終
過望猶賒死
扶衰又入冬
撥香開社瓮
帶睡聽晨鐘
嬾放君無謂
天公儘見容

病中遣懷

人生長短無百歲
八十五年行九分
堪笑癡翁

作黠計欲將繩子繫浮雲

又

放生何足爲愛物
施藥因行聊結緣
山舍老翁無事業
只將閒事占流年

又

鮮肥莫事膚寸舌
蕭散何辜七尺軀
山路豈無孤店宿
渡頭亦有小舟呼

又

家貧不與身添業病久寧非天儆予埽盡世間
閒忿慾小園煙雨種春蔬

又

菘芥煮羹甘勝蜜稻梁炊飯滑如珠上方香積
寧過此慙媿天公養病夫

又

開皺紫栗如拳大帶葉黃柑染袖香天與山家
講隣好江天昨夜有新霜

六言

滿帽秋風入剡半帆寒日遊吳問子行裝何在
帶間笑指葫蘆

又

不慕生爲柱國何須死向揚州但願此身無病
天台剡縣閒遊

野興

蒼草晨占大易爻松肪夜俗隱書抄飢時每就

猿分果宿處時從鶴寄巢旋賣荆薪持取醉偶
逢野叟卽論交頽然坐閱人間事耐辱禁愁却
自嘲

遠遊

壯年不作故山歸老去方知浪走非挂日片帆
吳赤壁嘶風疋馬蜀青衣交遊雖廣知心少香
火徒勤願力微堪笑只今成底事青燈無恙且
相依

反遠遊

賣却貂裘買釣舟久將身世付悠悠行歌西郭

紅橋路爛醉東關白埭秋

皆山陰近郊地名

夜泊驛亭

觀月上曉登僧閣聽猿愁一生身屬官倉米剩
喜殘年得自由

病著

病著今年劇衰來次第新茅茨安久處芻豢罷
前陳零落閒邊句逍遙事外身村東褚草葦一

笑得常珍

梅市

小雨長堤古寺西不容羸馬憺障泥時平道路
鈴聲少歲樂坊場酒價低煙樹淺淡山驛近野
歌斷續客魂迷殘軀不料重來此一首清詩手

自題

梅市書事

羸馬孤愁不可勝小詩未忍付曹騰一聲客枕

江頭雁數點商舩雨外燈

病減

病減停湯熨身衰賴按摩書齡平日課睡比故
年多龜卜占休泰醫方較闕訛有時還一笑隔
浦起漁歌

幽居卽事

山崦可伐薪稻壟可負耒但令二事集一飽已
有在霜林兩株橘春圃數畦菜仁哉造物心乞

我曾不愛炊烹付樵青
鉏灌賴阿對乃翁亦自
爲高枕聽晨碓

又

書几積流塵硯池清淺墨老夫自省事童子豈
不力人生適可爾過計亦何得胡爲棄黎棗日
夜長荆棘洗汝侈汰心去汝驕吝色一菜飽有
餘奚取萬錢食

羸疾

羸疾止還作已過秋算時但當名百藥那更謁
三醫強飯幸如昨清遊元有期新霜宜野店行
矣不須疑

九月二十五日雞鳴前起待旦

堪笑枯腸漸畏茶夜闌坐起聽城笳爐溫自撥
深培火燈暗猶垂半結花斷夢不妨尋枕上孤
愁還似客天涯埽塵拾得殘詩橐滿紙風鴉字
半斜

秋夕排悶十韻

湖海雙歸棹蓬蒿一病翁幽居天鏡北別墅石
帆東雲岫翩孤鶴煙汀渺斷鴻一從生白髮幾
見落丹楓獨立中庭月歛眠滿院蛩藜羹晨糝
白葑火夜爐紅物外緣雖薄塵中念已空放魚
從長者累塿伴羣童野寺觀冬懺叢祠禱歲豐
行歌與坐睡處處現神通

宴坐

氣住卽存神心安自保身誰歎二豎子卓爾一
真人氣泝如潮上津流若酒醇幽居幸無事莫
玩物華新

又

周流惟一氣天地與人同天道故不息人爲斯
有窮蛟龍上雲雨魚鳥困池籠宴坐觀茲理吾
其若發蒙

小室

術淺難醫忘文疎不送窮詩囊逢厄運藥裏少
新功小室香凝碧明窗日射紅鄰翁來問疾少
話莫匆匆

舟次浦口

吾孽本自作此生元有涯三江去浩蕩一艣任
嘔啞賣藥村村市炊粳處處家相逢喜亡恙不
敢厭喧譁

開爐

餘疾三分在閒愁一點無書能伴孫讀身欲却
人扶霽日鴉鳴樂清霜草蔓枯南山送僧炭隨
事且開爐

散懷

東行西行一日過深酌淺酌萬事休亦知衣食
將不繼老甚安能懷百憂

又

中年絕慾不復念今日肉食夫何難天公賦與

本來薄一槩埽空方少安

東行...

東行...

東行...

東行...

東行...

東行...

劔南詩彙目錄

卷第八十五

子虞當以十月離淝上喜而有作 病來

舟中晨起 江村 兀兀 道懷 柯

山道上作 病後自詠 十月九日 三

三孫十月九日生日翁翁為賦詩為壽

江路 初冬 夜坐 殘菊 久病

病小愈喜晴 租稅 初寒 呻吟

山墅 十月二十四日夜夢中送廬山道

人歸山 病後晨興食粥戲書 贈僧 首二

遊山 首三 農圃歌 贈拄杖 贈猫

宮詞 病中雜詠 首十 雪 自笑 絕句

題藥囊 末題 首二 病中示兒輩 夢

中行荷花萬頃中 示兒

劔南詩彙目錄 卷八十五終

劔南詩彙卷第八十五

子虞當以十月離淝上喜而有作

十月霜侵客子衣 片帆計以發淮淝 山林獨往

我何敢州縣徒勞兒 未非傳舍方寒索 調護里

門終日待來歸 解裝且共燈前語 萬事真當付

一歎

病來

抱疴雖可驗 應接每安徐 正使須彈塞 寧當快

初南詩彙

卷之八五

及古閣

掃除寡言方禍始省事養灾餘一飽吾何欠香
粳薦美蔬

舟中晨起

天宇清寒病體輕煙波聊復事宵征艣橫舟尾
霜如抹犬走籬根葉有聲蕭尹威名空赫赫班
侯智畧本平生生當作平不如歸結迎神社長笛圓聲送
此生

江村

江村連夜有飛霜柿正丹時橘半黃轉枕却尋
驚斷夢撥爐偶見爇殘香醫無絕藝空三易死
與浮生已兩忘拈得一書還嬾看臥聽孫子誦
琅琅

兀兀

兀兀心非睡惺惺口不言齒津生頰舌鼻息撼
牆垣書媿兒童問年叨里巷尊貧家有喜事黍
酒帶醅渾

道懷

織罷化吾梭棋終爛汝柯藥靈刀七足語妙立
談多楂浦吹橫笛桐江買短策白鷗真可友萬
里渺煙波

與柯山道上作

道路如繩直郊園似砥平山爲翠螺踊橋作彩
虹明午酌金丸橘晨炊玉粒杭江村好時節及
我疾初平

病後自詠

狂豪埽去得衰殘數啜芳醪興亦闌閉戶交朋
疎索盡捐書日月破除難盤除鮮食生蔬美衣
聳吟肩束帶寬賴有一條差自慰高眠常到日
三竿

十月九日

酒開甕面撲人香菊折霜餘滿把黃我是化工
君信否放遲一月作重陽

三三孫十月九日生日翁翁爲賦詩爲壽
正遇重陽一月時龜堂驩喜抱孫枝棄襦已足
驚關吏堆笏寧惟取世資落筆千年猶細事讀
書萬卷要深期汝翁豪傑非今士不用擔簦更
覓師

江路

江路最初程飄然兩屨輕少畱雲際宿徐待月
明行雁起平沙影泉輕斷岸聲誰知遊剡興不

減上青城

初冬

落葉紛紛十月時今年霜比去年遲山猿引子
飲幽澗枝鶴結巢爭墮枝嶺北片雲生峭絕橋
東殘水漾淪漪病衰自怪詩情盡造物撩人乃
爾奇

又

落葉窗前已作堆地爐微火撥殘灰夢中無祟

敗蔬圃飯後有歌誇芋魁裊裊清笳催日晚蕭
蕭新雁帶寒來更寬十日可閒出會挈一壺尋
早梅

夜坐

餅餌支遙夜薪烝禦早寒臥聞風浩蕩起視斗
闌干雞怯飛霜重鴉驚出月殘挑燈搔短髮顧
影發吾歎

又

藥裹關心處篝燈照影時文書用遮眼棗栗可
無飢素業存農圃頽齡迫耄期蓋棺萬事已唯
負國恩私

殘菊

殘菊一枝香未殘夜窗拈起百回看過時只恐
難相笑我是三朝舊史官

久病

臥疾閱三時冥冥不自持婢諳曾製藥犬識舊

迎醫質貸交親厭呻吟里巷知有時推枕起清
歎尚能奇

病小愈喜晴

雲邊采藥喜身輕燈下觀書覺眼明擾擾已空
浮世事依依還作苦吟聲又爲天地幾年客頓
覺軒窗三日晴深媿山童憐寂莫風爐傳法煮
蕪菁

租稅

占星起飯犢待月出輪租遇嶮頻呼侶扶轅數
戒奴畏飢懷餅餌愁雪備薪樗意象今誰識當
年賦兩都

初寒

雨霽林猶滴泥新路易乾蕭條山步晚顛顛客
衣單小女收魚笱童兒放鴨欄初寒豈不好衰
病自無歡

呻吟

初南詩集

呻吟半歲掩柴扉
性命惟存氣力微
夙業豈能逃馬麥
窮居賴是慣牛衣
濁清且復分賢聖
今昨誰能論是非
一段光明君記取
要知無念是真歸

山墅

煙水煙林老結廬
人間用短更誰如
輒蒲穩背
供危坐小幟障燈
便細書莫欺衰病
歸山墅曾領諸儒
上石渠貞觀開元
嗟已遠爲君試說
紹

興初

十月二十四日夜夢中送廬山道人歸山
平生不到三公府
晚歲歸來五老菴
夙士極知成殿後
吾曹所賴作司南
孤舟夜泊灘聲惡
小瓮晨香雪意酣
笑語牀隅拄杖子
卽今惟汝是同參

病後晨興食粥戲書

蝴蝶莊周安在哉
達人聊借作嘲談
不知自此

隨緣住更把晨窗粥幾盃

贈僧

松間數語淡交成不喜將身上行安得北窗
風雪夜地爐相對煮蕪菁

又

長明燈下三更雨且過寮前萬里身正使未能
超佛祖也應小勝市朝人

遊山

一生萬里著行滕抖擻塵埃尙未能不怕語音
時帶剡敢辭生計畧如僧疎梅漸動清溪曲霽
雪遙看古堦層喚起故年清絕夢數聲柔艣下
巴陵

又

蕭然破帽伴枯藤逢著青山不厭憎家似江淮
歸業戶身如湖嶺罷參僧煨柴夜宿寒爐火洗
舖晨敲古澗冰果向此中能得趣官途捷徑不

須曾

又

九十衰翁心尚孩
幅巾隨處一悠哉
偶扶拄杖登山去
却喚孤身過渡來
酒市擁途觀嵬峩
僧廬借榻寄咍臺
吾生清絕煩君看
不枉人間夢

一曰

農圃歌

我不如老農占地畝
一鍾東作雖有時
力耕在

茲冬張燈觀夜織
高枕聽晨春時時
喚鄰里肯蓄亦可供
我不如老圃父子日相從
一鉏萬事足不求定遠
封春泥剪綠韭秋雨畦
青菘放筍有餘味豈不烹
噉噉乃者半年病清鏡
滿衰容塵生一鞞屐
壁倚一枝筇惟有呻吟聲
和合牀下蛩青燈照兀兀
布衲聊自縫

贈拄杖

歷險橫空捷有神
得來元自剡溪濱
同爲萬里

江湖客莫見三生風月身不怕雲中伴鳧鳥只
愁雨後長龍鱗何妨更悟無生理露柱燈籠一
話新

贈貓

執鼠無功元不効一簞魚飯以時來看君終日
常安臥何事紛紛去又回

宮詞

秋露蕭蕭洗秋月夢斷陳宮白銀闕臨春結綺

底處所回首已成狐兔穴

病中雜詠十首

各四韻第
八首二韻

半年不讀書顧影疑非我乃知百年中如此過
亦可書能作汝崇識字果非福明年倘未死樂
哉駕黃犢

又

伐性無蛾眉腐腸無旨酒叁居亦得疾果無第
一手才不如嵇康疎懶則過之雖有絕交書不

作幽憤詩

又

華陀囊書久已焚
思邈玉函祕不聞
從醫火攻固下策
遣化飯香方普熏
觸人正自坐愚直
學道今當輸拙勤
勿言將智耄已及
後死或可與斯文

又

擊壤林間送此生
欣欣東作到西成
泥深宿麥苗初長
葉落柔桑眼已生
枹鼓無聲盜衰息
文書簡出吏清平
西遊攜得蹲鴟種
且共山家玉糝羹

又

身是人間一老樵
城南煙水寄迢迢
尋人偶到金家陵
取米時經杜浦橋
小市孤村雞喔喔
斷山幽谷雨蕭蕭
吾曹自養無能爾
楚客應無隱可招

又

身似頭陀不出家
杜陵歸老有桑麻
茶煎小鼎初翻浪
燈映寒窗自結花
殘藥漸離愁境界
亂書重理淡生涯
等閑一事還超俗
斷紙題詩字亂斜

又

天遠不可問
將如此老何
老驚詩思退
貧欠藥錢多
剡縣尋僧宿
桐江買酒歌
市橋新柳色
又

是一年過

又

半黃半綠柳滿城
欲開未開梅有情
放翁一病又百日
回視新春如隔生

又

久病身猶困
閑遊性已成
未停湯熨事
卽理水雲程
投宿忘街陌
論交失姓名
醉憐花塲好
恐是牡丹坪

又

自我居湖曲漁樵日往來只知年屢改不覺老
相催小浦潮痕長長隄草色回逢春心自在莫
道已成灰

雪

一夕山陰道真成白玉京衰殘失壯觀擁被聽
窗聲

自笑

左車第二牙辭去見韓文公詩團坐無生話又新堪

笑按摩并洗沐未忘貪愛夢中身臘月五日湯沐按摩幾半

日是早左車第二牙脫去

絕句

山遮水隔重重堠雨練風柔處處花一病半年
能不死又將此恨醉天涯

題藥囊

殘暑纔屬爾新春還及茲真當名百藥何止謁

三醫半夜嗽朝日晨興飲上池金丹有門戶草木爾何知

末題

平日尤閑老更閑一毫世事豈相關孤雲不散
來歸岫細水無聲自出山支徑過僧纔百步小
樓藏藥可三間客來不肯通名姓熟視吾廬爲
破顏

又

一身只付雞棲上萬卷真藏椰子中嘉定二年
正月後不知幾度醉春風

病中示兒輩

去去生方遠冥冥死卽休狂息攘鬼手危至服
丹頭有劔知誰與無香可得畱惟應勤學謹事
事鑑恬侯

夢中行荷花萬頃中

天風無際路茫茫老作月王風露郎只把千尊

爲月俸爲嫌銅臭雜花香

示兒

死去元知萬事空但悲不見九州同
王師北定中原日家祭無忘告乃翁

劔南詩藁卷第八十五

跋

先君太史晚自號曰放翁紹興辛巳間

及事高宗皇帝累遷樞密院編修及

孝宗皇帝嗣位之初召對便殿賜進士

第時始置編類太上皇帝聖政所妙東

時髦先君首預其選擢檢討官久之以

忤貴倖自免去五為州別駕西泝隸道

樂其風土有終焉之志蜀之名卿巨儒

皆傾心下之爭先挽留鼎以子止侍郎
欲捐其別墅以舍之先君諾焉而未之
決也嘗為子虞等言蜀風俗厚古今挽
多名人苟居之後世子孫宜有興者宿
留殆十載戊戌春正月孝宗念其久外
趣召東下然心固未嘗一日忘蜀也其形
于歌詩蓋可考矣是以題其平生
所為詩卷曰劍南詩彙以見其志焉

蓋不獨謂蜀道所賦詩也後守新宅
門人請以鑲梓遂行于世其戊申已
酉後詩先君自大蓬謝事歸山陰故
廬命子虞編次為四十卷後題其籤
曰劍南詩續彙而親加拉定朱黃塗
攙手澤存焉自此至捐館舍通前
彙凡為詩八十五卷子虞假守九江刊
之郡志遂名曰劍南詩彙所以述先志

也其他襍文論著季弟子通亦已刊之深
陽會子虞上乞骸乞請且莫且去故有所
未暇初先君在新定時所編前稟于舊
詩多所去取其所遺詩存者尚七卷念
先君之遺之也意或有在且前稟行已久
不敢復雜之卷首故別其名曰遺稟云嘉
定十三年十二月既望男朝請大夫知江州
軍州事借此子虞謹書

孝宗一日御華文閣問周益公曰今代詩人亦有如唐李
太白者乎益公以放翁對由是人竟呼為小太白篇什富
以萬計今古無雙或評如怒猊抉石渴驥奔泉或評如翠
嶺明霞碧溪初月何足盡其勝槩耶近來坊刻窳陋不成
帙劉涓溪本子六十僅二三甲子秋得翁子虞編輯劍南
詩稿又吳錢兩先生嚴訂天天者真名祕本也亟梓行之
以公同好其命名次第具載跋語云湖南毛晉記

劔南詩彙跋



